

Kony: Bible for 1 John, 1 Peter, 1 Thessalonians, 1 Timothy, 2 John, 2 Peter, 2 Thessalonians, 2 Timothy, 3 John, Jude, Philemon, Titus

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



1 Thessalonians

Chapter 1

¹Anii ku Bawulo ankaaboonte keey Siila akoo Temeteewo. Asiirwook akweek kaniseet amTeesaloonike choo obooye Baaba Yeyiin ak Mokoryoonteeet Yeesu Kiriisto. Leyye, kooberuurook Yeyiin ankoonyoru kaalyeet.

²Keebirchine Yeyiin koonkoy akookoy kubo akweek tukul yoo keesoowook. ³Kiisootook am yiisyeet nyoo oyeye okoosee keey inee ankoboonte chamateet. Keebirchine Baaba Yeyiin koonkoy subak, kuuyukyookiimchi keey okenee keey Mokoryoonteenyoo Yeesu Kiriisto. ⁴Mbo ng'eetaabiya, kiinkete kule kiikukweyaak Yeyiin nyoo chamook, ⁵Kuuyu yoo kikyoomwook lokooywek chee karomech meeberi ki ng'al buch, nteenee kibo kaamukey kuboonto keey Tamirmiryetaab Yeyiin soochamte akweek manta. Onkete akweek mbo wolee kikiibuurtooyacheek yoo kikeeboonte keey tukul. ⁶Kyoocham oyechi Yeyiin yiisyeet kuuacheek. Kyootaach lokoywechoo am ng'erekweekaab Tamirmiryetaab Yeyiin ankookuyeyaak keewusook. ⁷Am yooto nanyuun, oyeku kaaneeteywoo am wolee mii biiko tukul chebo yeemeetaab Maketoniya akoo Akaaya choo iyeenchine Kaarorookiinteeet.

⁸Meeberi kiyit lokooyweekwook choo bo mokoryoonteeet yeemeetaab Maketoniya akoo Akaaya baateey, nteenee kikas kooreet tukul kule okoosee keey Yeyiin. Kunyoo, mamii kiy nyee takumachaktoos keemwaay. ⁹Ng'aloole bichootho tukul wolee kyoochamte ng'aleekyoo ak wolee kyootayte aynatoos ankoorub Yeyiin nyoo bo manta.

¹⁰Nto yooto okanyoonu lakwaanyii koyewunee kibkonkooy. Nyooto ku Yeesu nyoo king'eete Yeyiin meet. Inee nyee makuyeeteech simakiing'wooncheech.

Chapter 2

¹Mbo ng'eetaabiya, onkete akweek kule manaawo buch ruutooyo nyoo kikeekwooniiacheek wolotoo. ²Onkete wolee kisimkeewusteech ankintosuurteech am kiriinketaab Filihi.ankoo kikeekwiileech misiin,kikooneech Yeyiin nkuruuk kyoomwook lokooychii chee koroomeech.³Okas kule kimakyoomtooy ng'al chebo ng'wiiyan nto kikiisoote ng'al chee makoromech nto kikeebere kule keekonwook. ⁴Kichamteech Yeyiin ankootoorweech lokoywechu koroomech. Kunyi, meeber kyoomtooy lokooywechu kule sikiing'ereeche biiko, nteenee kyoomtooy kule sikiing'ereeche Yeyiin nyoo inkete kaasooteyweekyoo.⁵Onkete akweek kuchurta kule meeber kikeekwaanteacheek ng'aleek chee kikeelbleebreenook nto kikeekwaante ng'al chee iyeele mooyeetyoontiit nyee keeboonte. Roobeech mbo Yeyiin kurubta keey ak ng'aleechu. ⁶Manaakesyeem kule nto okaasteech akweek nto kuu chii ake tukul,⁷ankoo kiyemaat keenyikisyookacheek keeyeku lebkeyiikaab Kiriisto. Nteenee yu kikeeboonte keey akweek, kikeeyibook nyee karaam kuu woloo yibtooy cheebyoosya nyee ruroot moo lokokyii kuriibe.

⁸Kikeemache miisin kiibuurte keey akweek nyee meeber kikeekoonook lokooywekaab Yeyiin baateey,nteenee kikiiboorwook ng'aleek chee rubtooy keey ak soboonwekyoo, kuuyu kikeechamaak miisin. ⁹Mbo ng'eetaabiya, maanii onkete wolee kikeeyiyte yiisyeet ak wolee kikyoomtooy booryeet. Yooto kikeeyiyeisyeet beet ak kweemooy. Kikeeyeye kuu nyooto simakeenyikisyook yookikeemwoowook lokooywechoo bo Yeyiin.¹⁰Yoo kikeeboonte keey akweek, choo oyeenchine Kiriisto, kyookas ankiikukas nkinee Yeyiin kule keeyekuuacheek biich chee keechurtootiin, chee bo man, amakeeboonte leelis. ¹¹Onkete mbo kule kikeeyibookacheek kuu woloo yibtooy boyoo lokokyii. ¹²Kikiititiirook ankiikiimchook kule oyeye ng'aleek chee ing'ereeche Yeyiin nyoo kuurook boobuur tukul oyemte baytooyiisyeenyii akoo wooyinnyii.¹³Keebirchine Yeyiin koonkoy akookoy, kuuyu yoo kikeeyikwook lokooyweeklyii okas ankoocham meeber kuu lokooy chebo chii buch, nteenee bo Yeyyin. Man, yeysiye ng'alyoontoonooto am ariing'woong' akweek choo oyeenchine Kiriisto.¹⁴Kyoonyoru akweek, mbo ng'eetaabiya ng'aleek chee kerkeey akoo choo kinyoru biikaab Kiriisto choo mii Yuuteeya. Kiinalilaak biikwook kuu yoo kiinaliile icheek Yuutayeech¹⁵choo kibekeche Mokoryoonteet Yeesu akoo workoyikaab Yeyiin ankukweteechacheek. Meeng'ereeche bichoo Yeyiin ankukwiile chii ake tukul.¹⁶Kisyeeem mbo kule kukerekteech kyoomchi lokooywek biiko choo ma Yuutayeech, lokooy chee makuyey kiiraraach bichoo. Nteenee mii kutasyine Yuutayeecha ng'ookiswookik alak am chooto boonto. Kunyoo, kookoong'woonchi icheek Yeyiin.¹⁷Mbo ng'eetaabiya, ankoo kookuyeyeech biiko keebakaakte keey kisich am boorwek, kiisootook akookoy am tamirmiryet. Kaakwaameech yeemooteet miisin keekasaak subak.¹⁸Kiyooto nyee kiyeyeech keemach kiiyeewu woloo omiite. Kyaasyeem anii Bawulo kunyil areet chee chaang' kule nto ayeewu woloo omiite nteenee kikerekteech kibrokosoonteet.¹⁹Mbo ng'oo chee kiikenee keeyacheek anku ng'oo chee keeng'ereechee, nto ku ng'oo chee keeng'asee keey yoo makeetuwenecch am taayeetaab Mokoryoonteenyoo Yeesu besyoonoo iyeewu? Ma akweek?²⁰Kubooyiit ma, akweek chee keeng'asee keey ankeeng'ereechee.

Chapter 3

¹Yu kakeekas kule kimakiimuuche takeemuyte, kiisoot keeng'atuunee kiriinkeetaab Aten. ²Ankiyooku ng'eetaabiya Temeteewo nyoo kiyechine tukul Yeyiin yiisyeet kyoomtooy lokooywekaab Kriisto. Kikiyooku chakootitirook ankookiimook okaasee keey Kiriisto. ³Sukung'eet meebera makeenyebet chii am akweek kubo wusiisyooni. Onket akweek kule machaktoos keebuntee wusiisyee. ⁴Kisim keemwoowook oob keboonte keey kule makeewuuseech? kunyii, kokuyaayakiis kunyooto, kuyoo onkeete. ⁵Kiyyoto nyee kiyaya ayoku Temeteewo. kimamuche tamichte subook. kunyoo, ayoku inee chakukaas yoo tokoseekey Kiriisto. Kyaamuy akaas am keelto ake kule kityaamak keniinteet sukubooyit buch isyonoo kikeyeye. ⁶Kokoyewuune Temeteewo woloo omiite, ankooyibkweech lokooyweek chee koroomech kurubtakeey kakaseemwoong' ak chomnyeet nyee oboonente. Kokumwooweech kule osootyeech akokooy nyee karaam ankoo omeeche kule nto okaseech kuyoo kemecche ankaacheek kule nto kekasaak. 'Leyye' mbo ng'eetaabiya, kokeetiitir yu kakyoomweech wolee wu kakasemwoong' am Kiriisto ankoo kikinyaliileech ankewuusech. ⁸Yoo kookiilchi akweek Mokoryoonteeet keeng'erecheacheek ⁹nyee mamiite wolee makeebirtoochi Yeyiinteenyoo koonkoy. Keeng'erekootiin miisin am taayeenyii kubo akweek. ¹⁰Keesooye inee akookoy beet ak kweemooy kule nto keekasaak sikiititirook ankeekoonook kiyee mooboonte kurubta keey ng'alyoonteetaab Yeyiin. ¹¹Keesooye Baaba Yeyiin ak Mokoryoonteenyoo Yeesu kule kuyootweech keelto keekwaa bokekasaak subak. ¹²Leyye, kuyey Mokoryoonteeet kuwooyit choomnyeet nyoo oboonente ak chamateet nyoo oboontee chii ake tukul, kuu yoo keeboonteenookacheek. ¹³Kootitiir Yeyiin kaasooteyleekwook soochurte ankootililiitu am taayeetaab Baaba Yeyiin kuboonto keey biikyii tukul, besyoonoo choonii Mokoryoonteenyoo Yeesu.

Chapter 4

¹Kunyoo ii, mbo ng'eetaabiya, aber kiikiineetaak wolee kiibuurtooy sikiing'ereech Yeyiin ankuwuu nyooto wolee obuurtooy. Nanyuun, kiikaloone keemwoonwook am kaayneetaab Mokoryoonteenyoo Yeesu kule, otas taay miisin oyey kuu nyooto. ²Onkete ng'aleek choo kikiiboorwookacheek kubununee kaamukeyweekaab Mokoryoonteet Yeesu.³Makyook Yeyiin otillitu amoombartoote. ⁴Kuyibe mureno ake tukul koorkeenyii am keelto nyee tiliil ankubo koonyit. ⁵Mookany kutwaaraak muchastaab boorwoonikwook kuu bichoo meenkete Yeyiin. ⁶Am ng'alyoo nyee wuu nyiitenyi, ma-alok chii ng'eetaabkaamet. Kisimkiisoowook kule makoong'woonchi Yeyiin biiko choo yeeye rokosiitenyi.⁷Kimakuureech Yeyiin kule subokeemartoote, nteenee mache kule kiibuur kaabuerto nyee tiliil. ⁸Kunyoo, yoo otaye kaaneeteyweechu meeber kootay chii, nteenee kootay Yeyiin nyoo koonook Tamirmiryeniyi.⁹Nto nanyuun ng'alyoo kurubta keey ak chamateetaab mbo ng'eetaabiya, mamachaktoos keesirwook kiy, kuuyu kikooneetaak Yeyiin ochoomtoosii. ¹⁰Kyoobuur nkakweek kuu nyooto ochame mbo ng'eetaabiya tukul choo mii Maketoniya. Kunyoo ii, mbo ng'eetaabiya, keesoomoock kule ochoomtoosii miisin. ¹¹Okas kule obuure am kaalyeet ankooyeye yiisyeemwoong' nkit o-ame kiyee koobirtee nkuruukwook kuu yoo kisikeemwoonwook. ¹²Yoo koobuur kuu nyiitenyi, makukoonyitook mbo biiko choo meeber iyeenchine Mokoryoonteenyoo amamii kiy nyee makubotwook¹³Mbo ng'eetaabiya, keemache onket manta kurubtakeey ak biiko choo kiikubek simoomeeyse kuu biiko choo maboonto kiyee ikenee keey. ¹⁴Keechamtooy kule kime Yeesu ankung'eetee meet. Kunyoo, keechamchiintoosii kule makoong'eetee Yeyiin meet biiko choo kiikubek kuu yoo kiing'eetee Yeesu. ¹⁵Kaaneeteyweekaab Mokoryoonteet chu chee keemwoonwook. Makiintooyeeacheek choo keesobchootiin choo kiikubek besyoonoo choonii Mokoryoonteet.¹⁶Makuwookyi malayikeet nyee woo barak ankeekuut aryembuutaab Yeyiin. Yooto nanyuun mokuchooonee Mokoryoonteet kaab Yeyiin. Makiing'eetee meet kurook biikaab Kiriisto choo kiikubek. ¹⁷Nto yityoo, kiiruruucheechacheek choo takesobchootiin keetuuye ak bichooto keebeete keey woliin bo boolik bokeeyeme barak ak Mokoryoonteet. Kuchakee yooto nanyuun, makiibuur keeyMokoryoonteet akookoy. ¹⁸Kunyoo ii, leyye, otitiiree keey ng'aleechu.

Chapter 5

¹Mbo ng'eetaabiya mamachaktoos keesirwook kurubta keey besyeet nyee choonee Mokoryoonteet, ²kuuyu onket akweek kule makumuung' kuu chooriin nyoo choonii kweemooy. ³Besyeet nyoo mwooye biiko kule kaalya kooro ankeeriibootiin, ku yoto yee makiiserweetee bichoo. Machilile chii. Makumuunkyi bichoo ng'aleechaa kuu ng'oontin nyoo nyooru koorko nyoo mache kootusyo. ⁴Nteenee moomiite mbo ng'eetaabiya meenan nyee imuuche konyoorwook besyoonoo ku moochobootiin. ⁵Obooye akweek tukul lebkeeyyeet ankoobooye beetut. Makeebooye kweemowuut amakeebooye meenaneet. ⁶Kunyoo, mamachakse keeruuye kuu biiko alak, nteenee machakse keeyku biich chee kasunootiin ankeeriibe keey. ⁷Bo rwoonik kweemooy anku kweemooy yee bookiitoos biiko. ⁸Nteenee keeooye acheek beetut, kunyi machakse keeriibe keey. Machaktoos kiiluumee keey kaakaaseet ak chamateet kuyek kariikaab booryeet choo kiilokyine tekete, ankiilaach nkinee kaakeneet nyebo kaararaacheet kuu kuutweetaab booryeet nyoo kiilokyine met. ⁹Manaakwelyeet Yeyiin sukoong'wooncheech, nteenee mache sukooararaacheech kubununee Mokoryoonteet Yeesu Kiriisto. ¹⁰Kime Kiriisto kuboacheek kule subokeeminy ak inee anku yoo takesobchootiin ee, nto kukiikebeku. ¹¹Kunyoo, machaktoos otitiirii keey ankoosooysooye keey kuu yoo omiite oyeye kuunyiltenyi. ¹²Mbo ng'eetaabiya, keesoomook okoonyit bichoo kiikukwey Yeyiin choo ame booryeet koontoowook ankootitirook am Mokoryoonteet. ¹³Okoonyite bichoo miisin ankoochame am yiisyeet nyee yeye. Nto akweek, obuurte kaalyeet. ¹⁴Kiikaloonwook akweek mbo ng'eetaabiya kule ochuule biiko choo tinye keweynateet, otitiir choo nyokoorech, oyechteechine choo kuskusech ankoomuytoochine chii ake tukul. ¹⁵Okas kule momii chii nyee kaketyi ake miyootyeet, nteenee osyeeme akookoy oboorchine karaamateet biiko tukul. ¹⁶Ong'ereche akookoy, ¹⁷osooye asiiswek akookoy, ¹⁸obirchine Yeyiin koonkoy am yeet ake tukul. Ng'alyoo nyi nyee makyook Yeyiin oyeye am Kaarorookiintet Yeesu. ¹⁹Moomiis Tamirmiryetaab Yeyiin. ²⁰Moochuur ng'aleekaab workooyik. ²¹Orootoote tukuuk tukul ankooname choo karoomech ²²ankootayee keey kiy ake tukul nyeborokos ²³Kuyeyaak Yeyiin nyoo koonu kaalyeet otiliiliit am keel ake tukul. Kuribakoy tamirmiryetaab chii ake tukul, soboonnnyi ak boornyii nyee momii leelis akoy yoo iyewu Mokoryoonteenyoo Yeesu Kiriisto. ²⁴Mawechweeche keey nyoo kikweyook anku makuyey kuu nyooto. ²⁵Mbo ng'eetaabiya, osooweechacheek, ²⁶Osuboowoo mbo ng'eetaabiya alak tukul nyee ong'erekine. ²⁷Amwoowok am kaamukeyweekaab Mokoryoonteet kule osumanchi mbo ng'eetaabiya tukul. ²⁸Kooberuurook Mokoryoonteet Yeesu Kiriisto.

2 Thessalonians

Chapter 1

¹Anii Bawulo, aboonte keey Siila akoo Temeteewo yu asiirwook barwaani akweek kaniseetaab Teesaloonike choo obooye Baaba Yeyiin akoo Mokoryoonteet Yeesu Kiriisto. ²Kooberuurook Baaba Yeyiin ak Mokoryoonteet Yeesu Kiriisto ankoonyooru kaalyeet. ³Mbo ng'eetaabiya, machakse keebirchneacheek Yeyiin koonkoy am asiiswek tukul kubo akweek, kuuyu otase taay okoosee keey Kiriisto miisin ankoochoomtoosii tukul. ⁴Keeng'erekootiinacheek yoo kyoomchnekanisoosyek alk wolee wuu soboonwekwook kuuyu otase taay omuytooy ankookoosee keey Kiriisto am wusiisyeet nyoo obuntee. ⁵Ibooru yoto kule man kiyee itiile Yeyiin, yoo itilwook kule oyemootiin owut baytooyiisyeenyii nyoo omiite onyalilchne. ⁶Makuyey Yeyiin kiyee bo manta yoo keenyalil choo inyalillook, ⁷ankumakoomuung'wook akweek choo onyalile ak mbo nkacheek. Makuyeyakiis ng'aleechaa yoo tookunee Yeesu barak kuboonto keey malayikaanikyii choo boonto kaamukeyweek ⁸ak maat nyee irikiiti' Machokoong'woonchi biiko choo meenkete Yeyiin ak choo meeyeenchne lokooywekaab Mokoryoonteet Yeesu. ⁹Makunyoor bichoo ng'oontin nyeborokos kibchuulyo, ankumakesatee wolee mii Mokoryoonteet ak woloo mii wooyintaab kaamukeyweekyii. ¹⁰Yeyaktoss kuu nyooto yoo choonii Mokoryoonteet chokunyooru koonyit am wolee mii biikyii kookostoooy biiko tukul choo ikoosee keey inee. Mooyeme nkakweek ak bichooto, kuuyu chamook Yeyinteenyoo ak Mokoryoonteet Yeesu Kiriisto. ¹¹Kiyiitenyi nyee yeyeech keesowook akookoy, sukyechteechook Yeyinteenyoo obuur kuu woloo makooy inee ankooyeye kiyoo okase kule karaam. Keesowook subak kule kukoonook kaamukeyweek chee omuuchyeoyeet okoosee keey inee. ¹²Yooto makiikaasta kaayneetaab Mokoryoonteenyoo Yeesu am kiyee oyechine ankiikaastaa nkakweek. Yeyaktoos ng'aleechu tukul, kuuyu chamook Yeyinteenyoo ak Mokoryoonteet Yeesu Kiriisto.

Chapter 2

¹Mbo ng'eetaabiya, keemache kiboorwook kiy kurubta keey ak chooneetaab Mokoryoonteet Yeesu Kiriisto ak yoo kiiruruukyeech inee. Keesoomook kule ²moobootye am kaasooteyweekwook, nto omuuye yoo keemwoowook kule kaakuyit besyeetaab Mokoryoonteet, ankoo kimwooye kuu nyoto workoyoonteet ake nto ku biiko alk nto keemwooy kule kikesir acheek ng'aleechu am barweet ake.³Mookany kooberbeeraak chiito ake am keel ake tukul. Mayitu besyoonoo ako yoo kaakutat Yeesu biikyii alake ankutook choolwookiintoonoo makiimukuusee maataab kibchuulyo. ⁴Kwile choolwookiintoonoo kiy ake tukul nyoo kutung'chine biiko ak kiy ake tukul nyoo kase biiko kule bo Yeyiin. Imuuche mbo koowut kootaab Yeyiin ankuyib keey barak kule inee ku Yeyiin.⁵Moosoote akweek yoo kyaamwoowook anii ng'aleechaa tukul keeboonte keey ⁶Nto yu onkete akweek kiyoo takookooye choolwookiintoonoo nto kaakuyityoo chokutook inee am besyoosyekyii. ⁷Mii kuunyitenyi kuyeyiisye kaamukeyweekaab choolwookiintoonoo am wung'aan, nteenee makutas taay kiyoo kookaay akoy bokinemto. ⁸Yooto nanyuun yee makutook choolwookiintoonoo nteenee makubiirta Mokoryoonteet Yeesu am muuyet nyee choonee kuutiinyii. Makookarbuusee Yeesu choolwookiintoonoo kaamukeyweeklyii. ⁹Makuchonto choolwookiintoonooto kaamukeyweekaab kibrokosyoonteet ankuchokooberbeer biiko kuyeye ng'aleek chee chaang' chebo kwong'uut. ¹⁰Yeyiisye ng'alyoo ake tukul nyebo rokos kooberbeere biiko choo makubootyo. Makubootyo bichoo kuuyu kitay icheek kucham ng'alyoonteetaab manta sikiiraraach.¹¹Kunyi, makuyey Yeyiin icheek kooyeenchi ng'wiynan sikeetewe ¹²ankiiruusta tukul choo king'erek yi ng'al chebo rokos amanaakooyeenchi ng'aleekaab manta.¹³Nto akweek ii, mbo ng'eetaabiya choo chamook Mokoryoonteet, machaktoos keebirchi Yeyiin koonkoy akookoy kubo akweek. Kikweyaak Yeyiin oyeku oyeku alak am chebo taayta kiararaach. Kiatabanaak kaamukeyweekaab Tamirmiryeenyi oyeku cheechii, yoo kyookoosee keey ng'alyoonteetaab manta. ¹⁴Kikuurook Yeyiin kubununee lokooywek chee karoomech choo kikyoomwook sikeeyemte tukul lebkeeyyeetaab Mokoryoonteenyoo Yeesu Kiriisto. ¹⁵Kunyoo ii, mbo ng'eetaabiya, oyeet keey ankookiilchi kaaneeteyweechoo kikyoomwook ankeesirwook.¹⁶Kichameech Baaba Yeyiin ankuyeyeech keebabayaiitu akookoy kiikenee keey kiyee karaam. Kootitiirook Mokoryoonteenyoo Yeesu Kiriisto nkityooniin ak Baaba Yeyiin ¹⁷ankookiimook oyeye ankoomwooye kiyee karaam.

Chapter 3

¹Mbo ng'eetaabiya, osooweech kutas taay ng'alyoonteetaab Mokoryoonteet koosambaakta areet akeenke ankunyoor koonyit, kuu woloo kiwuu am woloo omiite akweek. ²Osooye subak kusorweech Yeyiin am wolee mii biich chee awesech anku miyotech, kuuyu meeberie biiko tukul chee iyeenchine manta. ³Nteenee Mokoryoonteet nyee kiikosee keey . Makootiirook ankuriibook am wolee mii kibrokosoonteet.⁴Kiinkete am Mokoryoonteet kule oyeye kiyee keemwoowook ankootase taay oyeye kuu nyooto. ⁵Kooreetootyook Mokoryoonteet chamateetaab Yeyiin ankoobuur am muytaayeetaab Kiriisto.⁶Mbo ng'eetaabiya, am kaayneetaab Mokoryoonteet Yeesu, keemwoowook kule osatee keey ng'eetaabiya ake tukul nyee keweyiin, nyee marube kaaneeteyweechoo kokeemwoowook. ⁷Onkete akweek kule machaktoos oyeye kuu nyooto keeyeytooyacheek choo kimakeetinye keweynat yoo kikeeboonte keey. ⁸Makyome amnyoo nyebo chii yoo manaakekwechi kiy, nteenee kikeeyyiisye beet ak kweemooy simakeenyikisyook. ⁹Ankoo sinee kiyemaat keenyooru kiy, kikeeyey kuu nyooto sikiineetaak orub kiyee keeyeye. ¹⁰Yooto keeboonte keey akweek kikeemwoowook kule, mookany kwoomiis chii nyoo mamache kuyeyiis. ¹¹Keemwooye kuu nyooto kuuyu keekase kule tanye biiko alake am akweek keweynateet. Mayeye kiy, kwoonykwoonye biiko metewoy am kiyee yeye. ¹²Am kaamukeywekaab Mokoryoonteet Yeesu Kiriisto keemwoochine bichu kule koobuure nyee karaam ankuyeyiisye sukunyoor kiyee ame.¹³Nto akweek, mbo ng'eetaabiya, moochoosye oyeye ng'aleek chee karoomech. ¹⁴Yoo makoonite chii lokooywechu keesirwook, kumochoktoos onket chiichoo amoobuurte keey sukumuy inee nkit. ¹⁵Mooyib chiichoo kuu buunyoo, nteenee oyisu kuu tuubcheet.¹⁶Kunyoo, kukoonook Yeyiin kaalyeet akokoy am keel ake tukul, kuuyu inee nkit nyee koonu kaalyeet. Kuriibook Yeyiin. ¹⁷Asirwook anii Bawulo kaasubooyiisyooni am awunyuu nkit. Wuu nyiitenyi wolee atiinkyintooy anii awut barwa ake tukul. ¹⁸Kooberuurook tukul Mokoryoonteet Yeesu Kiriisto.

1 Timothy

Chapter 1

¹Anii ku Bawulo lebkeeyiinteetaab Yeesu Kiriisto kuu woloo kitooltoo Yeyiin nyoo kaararookiinteenyoo kubununee Yeesu Kiriisto nyoo kiikenekee. ²Asiruung' inyung' Temeteewo nyoo achamiing' anykaayetyeeching' icham Yeesu. Kooberuuriing. Baaba Yeyiin ak Mokoryoonteenyoo Yeesu Kiriisto, kuriireeniing' ankukooning' kaalyeet.³Kuu yoo kyaamwoowuung' amiite aweetii Maketoonnya, machaktoos ibuur Efeeso sukung,eet iboolchi biiko alak kusaanee keey kooneetee tukuuk chee mabo man. ⁴Kusaan koobootyine asiiswek kuraru tyoonkoochoy chee mabo laat ak kutetu koynooy cheb Yuutayeech chebo keny, kuuyu yibu ng'aleechaa kwilat ak wookuut, yoo yoo katekeeyechine Yeyiin yiisyeet am manta.⁵Kiyee bure siibolchi bichu ku kule kunyoor chamateet kubununee mooyeet nyee leel ankuyey kiyee inkete kule bo man ankookaaseekeey Yeyiin. ⁶Kiikuchunnnye alake kookaaseekeey Yeyiin ankuyelchi ng'al buch chee mab man. ⁷Bere bichoo nto yek kaaneetikaab kiruutek nteenee meenkete kiyee ng'aloolee nto mbo kiyee ikiilchine keey kuraru. ⁸Kiinkete kule karoomech kiruutek yoo kayeyiisye chiito am keelto nyee karaam.⁹Machakse chii koonkete kule meeberie kikeeyeye kiruutek kubo biich chee churtootii, nteenee kikeeyeye kubo biiko chee machurtootii ak choo machame keebayta. Bo subak kiruutek biiko choo meeyweye Yeyiin, choo choolwookenootiin, choo matiliilech ak choo awesech. Bo subak kiruutek biiko choo rume sikiikwaa ak choo bakakiisyoote, ¹⁰choo martooty, choo sikore keey, ak choo choore biiko. Bo choo iberbeeriisye ak choo mololchine biich ng'al ak kiy ake yukul nyoo marubtooy keey kaaneetuteekaab man. ¹¹Miite kaaneetutecha wolee bo lokooywek chee karoomech choo kikiitorwoo kul a-amte. Yeyiin nyoo boonto lebkeeyyet ankootorooroot nyee kikoonoo lokooywechaa karoomech.¹²Abirchinne Mokoryoonteenyoo Yeesu Kiriisto koonkoy nyoo kikoono kaamukeyweek, kuuyu kikasa kule kiikoseenoo keey kyaayeyoote ng'al chee kimaankete kumanaayenchine inee nteenee kuriireenaa. ¹³Ankoo kyaang'aloolee nyee inee miyat ankaawusoote biikyii ankaakawootenoote, kutoola ayechi yiisyeenyii. ¹⁴Kinyoowoo mokoryoonteenyoo kaat am chamateet nyee kiboonteenoo ankoo kimaayemaat anii kiyeya acham inee ankaakosee keey.¹⁵Ng'alyoonteet nyee machaktoos kiikoseekeey amakany chii kwaam met ku kule, kichooni kaarorokiintee Yeesu ng'weny chokoororoche biiko choo kiikuchoolwooken, anku anii akeenke am bichooto nyee achoolwooketoot nyee makyoomu. ¹⁶Ankoo kiwuu nyooto kikeeriireenaa anii am biiko tukul sukooboorunee Kiriisto kule iruruunye mooyeenyi am wolee mii choo kiikuchoolwooken. Yoo imuchaktoos kiiraraachaa anii

ankaanyooru soboontaab kibchuulyo, koomuuchaktoos kiiraraach nkicheek biiko alak.¹⁷ Kunyoo, kusilakoy ankukoonyitakoy Yeyiin nyoo makasakse ankubaytooyiisye kenyiis ak kenyiis, Kuwuuyiit nyooto.¹⁸ Wenyoo Temeteewo, arwookuung' kurubtakeey ng'aleek choo kimwooye workooyik kubo inyling'. Yoo keeruub ng'aleechaa, makuyeetyeeching' sii-am booryeet nyee karaam¹⁹ ankiitas taay ikooseekeey Yeyiin ankiyey kiyee inkete kule karaam. Kiikubootyo biiko alake chee kitay kuyey kuu nyooto.²⁰ Alak am bichooto kiikuyey kuu nyooto ku Umenaayo akoo Alekisaanta. Kwaatoorchi kibrokosyoonteet sukukaseekeey kule mamachaktoos kung'aloolee Yeyiin nyee miyaat.

Chapter 2

¹Ng'alyoonteet nyebo koomanuut miisin ku kule isooye Yeyiin ankiibirchine koonkoy kubo biiko ake tukul.
²Machaktoos keesoochime baytooyik ak kaantooiyik sikeeminy am kaalyeet ak taloosyeet ankiinemchine keey Yeyiin ankiibuur nyee keekoonyiteech. ³Yoo kakeeyey kuu nyooto, ku karaam ankoong'ereeche Yeyiin nyoo kaarorookiinteenyoo. ⁴Mache Yeyiin kule kiiraraach biiko tukul koonket ng'alyoonteetaab manta. ⁵Yeyiin ku akeenke nkit, anku akeenke chiito nyee ichoomnyeech ak Yeyiin. Nto nyooto ku Yeesu Kiriisto. ⁶Kiikooyto Yeesu soboonnyi sukuwalang'unee biiko tukul. Kiyitiin ng'alyoontooni am asiiswek chee yemootiin. ⁷Kunyi, kikekwuya anii a-amte ng'aleechaa kuu lebkeeyiinteet, man kiyee amwooye. Aneete biiko chee ma Yuutayek akooseekeey Yeyiin ankaamwooye ng'al cheebo manta. ⁸Makyiintoos murenik am yee kakiiruukyi keey kootoroore awunnyek chee tililech kusooye Yeyiin amanyeeru nto kuyey wookuut. ⁹Makyiintoos kooruuk koolooche keey nyee karaam. Koolooche sirook chebo koonyit ankuboonto atebuutek chee karomech. Mamachaktoos kooleete buuteek kul sikechorokyine, koolooche chobosaak, tukukaab kaat ak sirooy chee ale beesaan chee chaang'. ¹⁰Neenee, machaktoos kuboonto atebuutek chee karomech chee misyine kooruuk choo kiikoonemchi Yeyiin. ¹¹Machaktoos kooneete keey koorko ake tukul ng'aleek am keelto nyee intusoot ankooyweyiisye. ¹²Maachamchine koorko kuyek kaaneetikaab ng'alyoonteetaab Yeyiin nto mbo kule kubayta saanteenyii. Kusiisyine keey. ¹³Aatam nyee kisumkuyey Yeyiin kurook, nto mii yoo, chokuyey Aaawa. ¹⁴Meebere ki Aatam nyee kikekenta kut kuyey ng'ookisto, nteenee ki koorkeet. ¹⁵Machaktoos koorko ake tukul kuriibe koonyii ak lokokchii am keelto nyee karaam. Yoo kamuya, kokaasee keey Yeyiin, kutinye chamateet, kutiliil ankuriibe keey, makutebto soboontaab kibchuulyo akookoy.

Chapter 3

¹Miiyu naas ng'alyoo nyee mache kiiyyoong'unee. Yoo kamach chii koontoochi biikaab Kiriisto, kaakukwechi keey yiisyo nyebo koonyit. ²Machaktoos kaantoooyintoonoo ku chii nyee matinye leelis, ku chii nyee teeree koorkeenyii nkit, kusewunoot ankuriibe keey, kukoonyitoot, kururoot moo ankoomuuche kooneetiis.

³Mamachaktoos ku kibookityoo ama chii nyebwoorooryeet. Ntenee machaktoos koontusoot anku tala, amaboonto muchastaab beesaan.⁴Machaktoos koonkete kuriib kanyii nyee karaam kukas kule iyweye lokokchi kutukul. ⁵Yoo meemuuch chii kuriib kanyii kumeemuuche kuriib kaniseet.⁶Mamachaktoos keekweye chii nyoo manaakich am ng'alyoonteetaab Yeyiin kule koontoochi chuut kuuyu imuuche koontumeer. Nto yoto, makitiilchi ng'aleek kuu choo kikiitilchine Kibrokosyoonteet. ⁷Machaktoos kaantoooyintoonoo ku chii nyee tiney kaayna nyee karaam am wolee mii yeemeet simonyoor Kibrokosyoonteet barooyinto nyee katechee.⁸Machaktoos nkicheek tooretikaab biikaab Kiriisto kukoonyitootiin nyee mawechweeche ng'al, ama kibookitiis, nto kutoortooy moonik kumach beesaan. ⁹Machaktoos kukiilchi am mooyeet akeenke ng'alyoonteetaab manta nyoo kikeeng'oong'weech anku yeeye kiye inkete kule bo man. ¹⁰Machaktoos keetyemtooy bichoo kutoombo keekweye. Nto yoo matinye ng'alyoo keechamchi kuyek tooretik. ¹¹Machaktoos nkicheek kooruuk chee tooretik ku cheebyoosooy chee koonyitootiin, chee mayeyoote seemseem. Machaktoos ku koor chee riibe keey ankiikoos ee keey am kiy ake tukul. ¹²Machaktoos chii am tooreticho kuteeree koorkeenyii nkit ankuriibe lokokchii ak kanyii am keelto nyee karaam. ¹³Chii ake tukul nyee kayeyiis nye karaam, kooloong'u keey am komostaab ng'alyoonteetaab Yeyiin ankikich am manta nyeb kaararookiintee Yeesu¹⁴Ankoo sinee aboonte mooyeet kule maachoonii woloto imiite, asiruung' ng'aleechu si ¹⁵yoo kaakaay keey, keenket wolee machaktoos koobuurtooy biikaab Kiriisto. Bichooto ku choo kikwet Yeyiin kuyek cheechii. Tolochta bichoo ak sisineet nyee iyyoong'unee manta.¹⁶Ng'alyoo nyebo man kule woo kiyee kikung'oong'weech Yeyiin: Kikesich inee kuu chii ake tukul, kilboor Tamirmiryetaab Yeyiin kule churtaat. Kikas nkicheek malayikaanik, Kikyaamtaat inee am kooroosyek, kikiyyeenchi am kooreet, ankeeyib kuwo barak woloo mii lebkeeyyet.

Chapter 4

¹Ibooru Tamirmiryeetaab Yeyiin kutook kule am besyoosyek choo kwoonii, makuchuunnyee biiko ng'alyoontetaab manta ankurub ng'aleekaab biiko choo teweche tamirmirook chee miyootech. ²Iberbeeriisye bichoo ameekoonkete ng'alyoontee nyebo man ak nyebo ng'wiynan. ³Yeetee biiko koomutiis ak kule kumaam amiik alak ankoo kiyeye Yeyiin amiichoo kule kutaach biikyii choo inkete manta ankwaam kubirchne koonkooy. ⁴Karaam kiy ake tukul nyoo kiyeye Yeyiin kunyoo, mamachaktoos keetaye kiy mbo akeenke yoo kakeetaach keebirchne Yeyiin koonkoy. ⁵Yeye ng'alyoontetaab Yeyiin ak saayeet kutiliit kiy ake tukul nyee kiyeye Yeyiin. ⁶Yoo keeboorchi mbo ng'eetaabiya ng'aleechu, keeyey am keelto nyee karaam yiisyetab Kaarorookiintee Yeesu. Nto yooto imiite ititiire ng'alyoontetaab manta nyoo kikiineeting nyoo irube. ⁷Itay tyoonkoochoy chebo beerbeery0 chee marubtooykeey ak Yeyiin. Ichobakse akookoy ineete keey ibuure kuu woloo maktooy Yeyiin. ⁸Yoo keeneet boorng'uung' makuyetyeechiing' am kooroni am kooroni, nto yoo keeneet keey ibuure kuu woloo maktooy Yeyiin, makuyetyeechiing' am soboontaab kooroni akoo nyebo kooreet nyoo makuchoo. ⁹Kiikooseekeeey Yeyiin, Inee Kaarorookiintee nteenee chee irarooche, ku biiko choo iyeenchine inee. ¹⁰Machaktoos keetiyye met ng'aleechaa ankuyemaktoos keechame kutukul. Kiyooto nyee keemiite keeng'etiichine keey. ¹¹Ng'aleechaa chee machaktoos ikiime yoo ineetiisye. ¹²Meekany kumoontiing' biiko kuuyu teemining'. Nteenee inyiing' nyee machaktoos kukaseeniing' biiko tukul choo kiikoyeenchi ng'alyoontee, woloo ing'alooltooy ak wolee itebtooy, wolee ichamtooy biiko, wolee iyenchintooy Yeyiin ak tiliilinto nyee iboonte. ¹³Iyeyiisye barooyinto nyoo mii kumanaayitu, isumanchi biiko ng'alyoontee, i-amchinee ankiineete. ¹⁴Meechwees kaamukeyweechoo kiroobuung' Yeyiin kubununee kiyee kimwooy workoyoontee ake yoo kitinyeeniing' awunnyek kaantoooyikaab biikaab Kiriisto. ¹⁵Iyeye tukuuchoo kibtaman ankiinemchinekeey kutukul sukung'eet kukas chii ake tukul wolee imiite itastooy taay. ¹⁶Machaktoos irootoote soboong'uung' ak ng'aleek chee ineete. Imuytoochi tukuuchookuuyu, yoo keeyey kuu nyooto, meeraraachakse inyiing' ak biiko choo ineete.

Chapter 5

¹Meeryonkyine booyoo yoo imiite iyisuu, nteenee ing'aloolchine kuu koon. Iyibe nkicheek aybeeriik wuu nyee mbo ng'eetaabkoomet. ²Iyibee cheebyoosya ak tukul wuu nyee koomet. Nto tiibiik, inam choo wuu nyee mbo cheebkoomet am keelto nyebo tiliilinto.³Machaktoos keeyetyeechne musukuunek choo matinye chii nyee kariib. ⁴Nteenee yoo boonto cheebyoosya nyee musuk leekooy nto muchokoroon, kumachaktoos lokochoo kuriib sikiikwaa, kuukaanyii nto kookoonyii sukooboorunee yooto kule iyweye Yeyiin. Yoo kayey kuu nyooto kumii kuyooku kiyee kikeeyechine icheek, ng'alyoo nyee chame Yeyiin.⁵Koorko nto cheebyoosya nyee kiikung'et nkit ku musuk kumachaktoos kookenekeey Yeyiin nkit ankuriirchine beet ak kwemooy kule kuyetyeechi. ⁶Nto koorko nyoo musuk ankicham tukun chebo leles, kukiikume nyoo kusobe.⁷Machaktoos imwoochi nkicheek biiko ng'aleechu, sukung'eet mariirtee chii. ⁸Chii ake tukul nyoo mayetyeechne tilyoonautekyii anku miisin biikyii choo bo ko, kaakutachiin ak ng'alyoonteetaab Yeyiin. Miyaat chiichoo kusir nyoo maneeyeenchi ng'alyoonteetaab Yeyiin.⁹Yoo sikiityi cheebyoosya nyee musuk komostaab choo yame keetooret kumachaktoos ku kiikukeeytee kenyiisyek tamanwookik lo. Machaktoos ku cheebyoosya nyee manaachoonchooyenoot, ¹⁰ankitookunoot am yeuyutek chee karomech kuu woloo kiribtooy lokokchii, wolee kitooktooy tayek, wolee kiyetyeechintooy biikaab Kiriisto, wolee kitooretitooy biiko choo nyalitoos ak mbo tukuk alak chee karomech chee kiikuyey¹¹Mamachaktoos keesirtooy musukuun cho takuminkeeh kuuyu yoo kabiirta muchastaab boorwoonikwa wolee kiikooneemtoochiikeey Kiriisto, kumach kiimut. ¹²Yooto, koosakyi keey kiitiilchi ng'al, kuuyu kaakwiiri kiiruutyet ak Yeyiin. ¹³Ilumoote :kooru chee wuu choo koorin koobootoote asiiswekwaa. Ma wuu nyoot bo taay, nteenee yeoyote mbo subak seemseemnyeet koowuutiootee keey ng'al chee ma cheekwaa ankung'oloote mbo ng'al chee mayemakse.¹⁴Kunyoo, amwoochine musuukuunek choo takuminkeech kule kucheeng' saanik ankuriib lokokwaa ak koorikwaa sumonyoo bunyoontet barooyinto nyee kang'alaalee icheek nyee miyaat. ¹⁵Kookueech keey keny :alake kuba wolee mii keniintee/kibrokoosyoontet ankookurub ng'aleekyii. ¹⁶Nte yoo mii cheebyoosya nyee kikuchamte Yeyiin ankuming'too keey musukuunek, kumachaktoos kuyechtechine musukuunechoo. Mamachaktoos kubokookyi nyikiisinoo kootaab saayeet. Yooto makuyechteechi kootaab saayeet musukuunechoo minye nkityo.¹⁷Machaktoos keekoonyite boyiikaab kootaab saayeet choo tinye kaantooysiyeet nyee karaam, anku miisin choo amtooy ng'alyoonteet ankooneete. ¹⁸Mwooye siruutek kule, makeerete yeeyto kuutiit yoo yeysiye. Nto subak yeme chii nyoo kaakubирto nkuruukyii kunyoor kiy. ¹⁹Mamachaktoos simiyeenchine ng'alyo nyee kakeemwooy keeng'aloolee booyik nyee miyaat, nteenee akoy baateey yoo kaakumwooy noomiik chee yite ayeeng' nto somok kule wuu nyooto. ²⁰Yoo kaachoolwooken kaantooiyik, iburyoong'tooy kukase biiko, sukung'eet kooyweye chuut alake.²¹Kunyoo ii, Temeteewo, amwoowuung' am taayeetaab Yeyiin ak nyebo Kaaroorookiintee Yeesu ak mbo am taayeetaab Malayikaanik choo kweyootiin kule, iruub ng'alechaa nyee meekweye chii. Mamachaktoos ichame biiko alak kusiir alak. ²²Meesamsamane keey yoo itinyee chii awunnyek itoolchine yiisyetaab Yeyiin ameekany kunaming' ng'ookistaab biiko alak. Ibuur itiliil.²³Meeyyee beeko baateey nteenee imoose tiifaayik tisch kubo boortaab moo nyoo iyimseetiing' btaman. ²⁴Meemuuchaktoos kuwalokiis ng'okiswookikaab biiko alak, nteenee simkeekase bakenke kumanabokiitiilchine ng'al. Nto chebo alak kooyeeloottin akoy besyoonoo bakiitiilchine nga'l. ²⁵Am keelto nyee wuu nyooto sumkutooku karoomnyeetaab yeyuutekaab biiko alak, amawunyektoos akookoy choo iyelootiin.

Chapter 6

¹Machaktoos motwooriik koyweyee mokoreniik kwaa sikuung'eet make ng'oololee yeeyiin nyee miyat ak mbo kaaneteeyweekyoo. ²mamachaktoos motworiik choo kikoyentyii mokoreniikwaa yeeyiin kukoochonkchine, kuyuu mbo ng'etaabiya am kiiriisto. Ntenee, machaktos kuyeyee isyeemwa kutook, kuyuu chee yetyeechime isyoonutochoo kuchoo kikoyeentyii ng'oolwonteetaab yeyiin. Ng'eeleek choto chee machaktos inyiing Temetewo ineete ankikiime biiko kurub.³Chiito nyoo kaubaatyeenyikeey wolee mii mokoryoontee Yeesu kiriisto anko neet ng'aal chee moboo maan, ⁴Kukiikoolaambuch nyoo ng'aasetaab keey amenkeete kiy.Kicham chii choo kwilat ak wookut.Ibuu ng'alechaa kotuyiityikeey biich moon.Kuwookut, kung'alalatekeey nyee miyat, kosootyine alaak nyee miyat, ⁵anku chunchuntos metowookaab biicho kubo kasoochteeyweek chee miyootech chee boonto.Biichuteechu chee kikeebutee ng'oolwonteetaab manta ankusooote kule tos yo kasyeem chii kurub keeltaab Yeyiin ku kelto nyoto nye yeyee chii kunyoor boytiit am korooni.⁶Ntenee, yo0 keenumchi keey chii isyeetaab yeyiin, ametuyiityine ake moo, kaa kunyoor baytit nyee woo miisin am kab yeyiin. ⁷mebere kikesiiktech kii, amekeebetoy kii koyin kakeboku. ⁸Ntenee yoo kenyoru, kiyee kyome ak kiiyee kilochee, kuyemeech choto. ⁹Nto biiko choo nte cheeng' tukuuk sikumokornoon, kutorchime ng'aaleechaa tyemisyet ankutaach.Torchime ng'aaleechata kuyeye tukuuk chee chaang' cheebo berberryoo ak mbo cheebo muchastaab tukuuk chee iwong'toy biich.Tortooy ng'aaleechaa biiko kubootyo ankworon. ¹⁰Towuuneekeey miyoteet wolee woo muchastaab besaan.Biiko choo loosyote kumechee besan kikuchuchunee ng'olwonteetaab yeyiin anku ibchikeey mwoonin nyee mokyoomu. ¹¹Nto inyiing' nyoo iboye yeyiin, machaktos isetekeey wolee mii ng'aaleechaa ankirub sobonto nyee churtaat, inemchikeey yeyiin ankikasekeey inee, ichame biiko alaak, imitochime ng'al ankitalayiit. ¹²I-am boriyeet nyee karam kubo ng'olwoonteetaab yeyiin. Inket kule kikuriing' yeyiin inyooru soboontaan kibchulyo. Kunyii, ikilchi sobonoo kichamchintosii kukase biiko chee chang'. ¹³Am tayeetaab yeyiin nyoo ikochine kii ake tukuul sobonto ak mbo am tayeetaab yeesu kiriisto, nyoo kichachin am tayeetaab Bontyo Bilato kule inee ku karorokinteet, amwowuung' kule ikilchii ng'olwoonteetaab Yeyiin. ¹⁴Meekany inyoru tisya nto mbo kule keng'aalaleniing' nyee miyat.Iriib kunyooto akoy besyeet nyoo mokuchone mokoryotenyyo Yeesu kiriisto. ¹⁵Mokukweryoon yeyiin am besyeet nyoo kikotorto inee. Itororoot Yeyiin ankwine nkityo boytoyinteet. Inee boyintoyinteetaab boytoiyik anku mokoryoonteetaab mokoreeniik. ¹⁶Yeyiin nkityo nyee mameye anku munyee am lakweyeet nyee makesekse.Mamii chii nyee kikukas Yeyiin nto mbo nyee imuche kukas.Kukonyitokoy Yeyiin ankuboytois akokoy.Kuwuuyiit nyooto. ¹⁷Imwoochi choo boonto boychtiit am koronii kule mang'eesekeey ametiyee met tukuchoo. TUkuuk choo chee makiinkeete batay ak moo.Ntenee kiyee mache kuyeye kuku tiyee Yeyiin met nyoo koneech kii ake tukuul kuyaam anku yeyeech tukuchoo keeng'arach. ¹⁸Imwoochi buchoo kuyaay ng'aaleek chee chaang' chee koromeech, kuyeek biich chee lelaach mooniik ankuchame kuyemtoy tukuuk ak biiko alaak. ¹⁹Yoo kayay kunyotoo, kakuyochtochi keey boychtiit nyee tiyekieey am koreet nyoo chooni,sukung'eet ku kilchi soboontaab manta. ²⁰Temetewo, kamwoowuung' kule mekuste iyey ng'eeleechaa tukuul choo kikotorung' Yeyiin. Isetekeey kwilateet nto wookut nyebo berberryo nyoo yeye choo ng'eesekeey kirneteet nyee mobo man. ²¹Yeye keey kule ng'omeech,ntenee kikuchuniye ng'aloonteetaab Yeyiin. Kooberuurook Yeyiin.

2 Timothy

Chapter 1

¹Anii ku lebkeeyiinteet Bawulo nyoo ayechine kaarorookiinteet Yeesu yiisyeet. Kitoola Yeyiin ankooyookwoochaa-amchi biiko kurubtakeey ak soboontaab kibchuulyo nyoo kikuurtooweech kubununee Yeesu Kiriisto. ²Asiruung' inyiing' werinyuu Temetewo nyoo achame miisin. Kooberuuriing'Baaba Yeyiin ak Mokoryoonteenyyo Yeesu Kiriisto. Kuriireeniing' ankukooning' kaalyeet.³Akutung'chine Yeyiin kuu woloo kiyeytooy mbo kuuko ankaayeye kiyee ankete kule karaam, kuuyu asootiing' akokoy, asoowuung' beet ak kweemooy ankkabirchine Yeyiin koonkoy. ⁴Yoo kaasoot wolee kiiriirte besyoonoo kyaabokotiing', kwoomchoo yeemooteet kule nto akasiing' saang'erech. ⁵Ankete kule ikooseekeey Yeyiin miisin. Kiikoosie keey kookoong' Loyis Yeyiin ak koomet Yuuniis, wolee anketitooy kule imiite nkinyiing' iyeye kuu nyooto. ⁶Kunyikurubtakeey ak yooto, asootuung' kule ikany koomwo keey kaamukeyweek choo kiroobuung' Yeyiin yoo kyaatiinyeeniing' awunnyek. ⁷Manakooneech Yeyiin Tamirmiryet nyebo tuyateet, nteenee kikooneech nyebo nyikanateet, chamateet ak riibeetaab keey.⁸Kunyoo,

meekany kunaming' tuyateet yoo meeng'alaalee Mokoryoonteenyoo nto yoo isootoo anii nyoo kikeerata kubo inee. Nteenee, ikany keenyalilche tukwaay kubo lokooywek chee karomech kukooniing' Yeyiin nyikanateet.

⁹Kiikooraraacheech Yeyiin ankiukukuureech keeyeku biikyii. Manaayey kuu nyooto kubo kiy ake tukul nyee kikeeyey, nteenee kubo wolee maktooy inee nkit am mooyeenyii ak mbo subak kubo chamateenyii nkityo., Kisimkuchameech Yeyiin kumanaakeetoow kooreet ¹⁰ankooboorweech chamataanaa am chooneetaab Kaarorookiintee Yeesu Kiriisto. Kiikoosyeentooweech Kiriisto meet akwooroorweech keelto nyebo soboontaab kibchuulyo kubunuunee lokoywek chee karomech. ¹¹Kunyoo, kookutoola Yeyiin a-amte lokoywechu, ayeku lebkeeyiintee ankaaneetoote ng'alyoonteetaab manta. ¹²Kiyooto nyee kiinaliilcho kuu nyiitenyi. Ankoo kuwuu nyooto, maamuyoot, kuuyu ankete chiichee kyaayeench'i ankaatinyyee man kule imuuche kuriib kiyee kiikootoorwoo akoy besyonoo iyewunee. ¹³Temeteewo, ineete biiko kuu woloo kyaaneetitooy anii ankiikooskeeey Kaarorookiintee Yeesu ankiichame biiko kuu woloo kyaayeytooy anii. ¹⁴Ikaaman ng'aleechaa karomech choo kikiitoruung'. Kuyechteeching' Tamirmiryetaab Yeyiin nyoo minye ariinyoo. ¹⁵Abere inkete kule kookubakaaktaa chii ake tukul nyebo yeemeetaab Eesya kuboonto keey Fukeelo akoo Eermokeen. ¹⁶Asooye kule kuriiree Yeyiin kaab Onesiforo nyoo kimomuyoot chokukasa arataat. Kichokoobaybooyoo ankootitiiroo kibtaman. ¹⁷Yu kawokuyit Rooma, koomuuch kucheeng'aateenaa wolto ake tukul akoy kut wokunyoorwoo. ¹⁸Abere inkete kubooyiit man kule kiiyeetyeechoo Oneesiforo am keelwookik chee chaang' yoo kyaamiite Efeeso. Leyye, kuriiree Mokoryoontee Oneesiforo besyonoo itiilchine biiko ng'al.

Chapter 2

¹Wenyoo, Temeteewo, ikiil, kuuyu inkete kule chamiing' kaarorookiintet Yeesu ankutiyiing'. ²Nto tukuuk choo kiikase a-amuu am taayeetaab biiko chee chaang', itoorchi choo biiko chee kiikooseekeey anku chee imuuche kooneet biiko alak. ³Imuytoochi nyaliluutek kuu chii nyee ame booryo nyee karaamkubo kaarorookiintet Yeesu kuu woloo keeyeytooy aheek. ⁴Yoo keewuteekeey chii nyebo lukeet ng'aleekaab biikaab yeemeet, meeng'ereeche nyee woo nyebo lukeet. ⁵Makeetuwenee chii loong'eetaab labateet yoo kamarub makuutekaab kaang'weneet.

⁶Kaabatiin nyoo ikiimchinekeey kaabatiisyet ku nyooto nyee machaktoos simkiikoochime amiikyii chebo yiisyeet. ⁷Temeteewo, irootoote kiye amwooye kuuyu makuyeying' Mokoryoonteet inket ng'aleechu tukul. ⁸Inket kule king'eetee meet Yeesu Kiriisto nyoo kichoonee kootaab Tawuti. Kuuyu a-amtoote lokooywechu karoomech, ⁹kaanyalil kut keeratoo wuu nyee kaanyeeree ng'al. Nteenee, to meemuuchaktoos keerat ng'alyoonteetaab Yeyiin.

¹⁰Kunyoo, amuytoochine kiy ake tukul kubo choo kiikukway Yeyiin, nto anyuun kooraach nkicheek Yeesu Kiriisto sukunyoor lebkeeyyeetaab kibchulyo. ¹¹Ng'alyoo nyoo nyee keetiyeeky kuuyu yoo kakeebeku ak Kiriisto mabokeeminy ak inee. ¹²Nto yoo kakeemuytoochi, mabakeebaytooyiisye ak inee. Yoo kakeetayacheek, mawokutayeech nkinee. ¹³Ankoo makiikooseekeey biiko, kiikoosee keey inee, kuuyu mataye keey inee nkit.

¹⁴Machaktoos isoatyine biiko ng'aleechu, imwoochi am taayeetaab Yeyiin kule mamachaktoos kukwiilee keey biiko ng'al. Mamii kiy mbo kisich nyee yetyeechime kwilataanaa, nteenee nyeere kaasooteyweekaab biiko choo yebchime yiit. ¹⁵Isyeem wolee imuuktooy iyey yiisyeeng'uung' am keelto nyee karaam nyee chamtooy Yeyiin. Kutook kule iyekuu chii nyee matinye muyat anku nyee name ng'alyoonteetaab manta am keelto nyee chuurtaat.

¹⁶Itayee keey imwooyote ng'al chee marubtooy keey ak ng'alyoonteetaab Yeyiin. Biiko choo iwuutoote keey ng'al chee wuu choo, makutase taay kulooyekiit miisin am wolee mii Yeyiin. ¹⁷Makwaamaat kaaneetiisyeetaab bichoo biiko kuu yoo amoote kiseerkeheet kerenkaab chii. Biiko alak chee kiikuchuunyye ng'alyoonteetaab manta ku Umenaayo akoo Fileeto. ¹⁸Mwooye bichuutechu kule kiyeyakay keny ng'eeteetaab meet kunteerootee kaayeenchinooyeetaab biiko alk. ¹⁹Ankoo kut kuwuu nyooto takooyyong'oot tiyeywoonteetaab Yeyiin ankeekasee siruutechu mwooye kule, inkete Yeyiin biiko chee chechii. Nto chii ake tukul nyee kuure Mokoryoonteet kumachaktoos kubakaakta miyootyeet. ²⁰Am kooto ake tukul nyee woo miite terekook chee kikeeyeyee ta-aabuut ak chebo feeteet. Miite mbo subak chebo keetik ak chebo meneet. Keeyeyisye terekoochu alak keebayee tayek, nto chuut alak keekonoree tukuuk chee mabo koonyit. ²¹Kunyii, yoo keetilileekeey chii ake tukul wolee mii tukuchoo miyoochte makuyek terekyeet nyebokoonyit nyee imuuche chiitaab kooto kuyeyisye kubo yiisyo ake tukul nyee karaam kurubtakeey ak wolee kichobto. ²²Temeteewo, sateekeey muchastaab aybeer nyoo bo miyootyo ankiirub keelto nyoo karaam kuchurta, iyeku chii nyee kiikooseekeey, nyebo hamateet ak sinento. Iyey tukuuchoo kuu woloo yeytooy biiko alake choo sooye Yeyiin am moonik chee tiliilech. ²³Itayee keey kwilateet nyebo beerbeeryo ak solwoonti. Inkete kule yibu ng'aleechaa wookuut. ²⁴Mamakyine chii nyoo yeye yiisyeetaab Mokoryoonteet kuyeye wookuut. Nteenee machaktoos kutalayiit am wolee mii chii ake tukul, kooneetisye nyee karaam ankumuytooy. ²⁵Nto yoo mii biiko chee kwiile inee, kumachaktoos kuyisu muut ankutinyee mooyeet kule imuuche kookoochi nkicheek Yeyiin mooyeet kuweek sukoonket manta. ²⁶Yooto, koomuuche icheek kusew ankuchililee mastiitaab kibrokosoonteet nyoo kikunam icheek sukuyey kiyee mache inee.

Chapter 3

¹Irootoote ng'alyoontooni: Makumiyatiitu besyoosyek cho bo tabanta. ²Makusooynen biiko, makucham beesaan, makukas keey ankumeenryo. Makung'aloolootee Yeyiin nyee miyaat, meeyweye sikiikwaa amtiny kumwooy koonkoy am kiy. Makuyek biich chee matiliilech am taayeetaab Yeyiin ³amtinye chamateet. Mariiree biich, mololchine biich ng'al amariibe keey. Makukawootene ankuchame kuyeye ng'al chee miyootech.

⁴Makuchoomtooy chuut ankutuchinoote ng'al. Makuyibe keey kule inkete kiy ake tukul. Makuyek biich chee kicham leesta amachame Yeyiin. ⁵Makuyeye keey kule bo Yeyiin, nteenee kutaye kaamukeyweeklyii. Isatee keey bichootho. ⁶Mii alake am bichoo chee beetoote kestoonikaab biiko alak subokooberbeere koor chee kuskusech chee kiikunyikisyi ng'ookiswookik ankutoortooy muchas nyebo kiy ake tukul. ⁷Kiineete kooruuchaa kibtaman, nteenee meemuuche kut koonket icheek kutukul ng'alyoonteetaab manta. ⁸Kwiile bichoo ng'alyoonteetaab manta kuu yoo kikwiile Yaane ak Yaambure Muusa. Kiikutoonkooyis bichu ankiikubootyo am manta. ⁹Mayite wuy bichoo, kuuyu makukas chii ake tukul beerbeeryeet nyee boonto kuu woloo kikeekastooy chebo Yaane ak Yaambure.

¹⁰Temeteewo, abere inkete kurubta keey ak kaaneeteyweechu, wolee abuurtooy, kiyee anemchine keey ayey ak wolee amoong'tee keey Yeyiin. Inkete mbo subak kule maasimanyeruu ankaaboonte chamateet ak myutaayeet.

¹¹Inkete mbo subak kule kyaamuytoochi wusiisyet nyee kyaanyoru ak nyaliluutek chee kyaabuntee yoo kyaamiite Antyookyaa, Ikoonyaa ak Luustra. Nteenee kisorwoo Mokoryoonteet am tukuuchoo tukul. ¹²Nto kubooyiit man, makeewus chii ake tukul nyee keenemchi keey kurub Yeesu Kiriisto. ¹³Nto biiko choo choolwookenootiin, choo iberbeerisyote, makumiyatchi choo miisin. Kiikutawachakiis choo ankutewechoote biiko alak. ¹⁴Nteenee, kurubta keey ak inyiing' ii, Temeteewo, itase taay iruube kiyoo kikiineetiing' ankiichame, kuuyu inkete biiko chee kiineetiing' ¹⁵ak mbo subak wolee kiinketite siruutekaab Yeyiin kung'eetee leekwaanti. Kiikuyeying' siruutecaa inket kule nyoroor chii kaararaacheet yoo keekaasee keey Yeesu Kiriisto. ¹⁶Kwoonee siruutecchoo tukul wolee mii Yeyiin. Karoomech siruutecchoo yoo kiineetiisye ankiisburyong'tee biiko, keechuule ankiiboorchime biiko kukaramiitu kuchurta. ¹⁷Keeyeye kuu nyooto sukung'eet kuchobakiis chiitaab Yeyiin kutukul kubo yiisyo ake tukul nyee karaam.

Chapter 4

²¹Inket kule makooyeew Yeesu sukutoow baytooyiisyeenyii. Kunyi, am taayeetaab Yeyiin ak nyabo kaararookiinteeet Yeesu nyoo machokootichi ng'al biiko choo sabtoos ak choo kiikubek, amwoowuung' kule, i-amtooy ng'alyoonteet akokoy ankoor ku wuyech ng'ala nto ku nyumnyumech imuytoochine yoo ineete biiko ng'alyoonteetaab Yeyiin, ichuule, iburyoong'tooy ankiikiime.³Makucho besyeet nyee meekoomuuche biiko kut takucham kiyee ineete siruutek chebo man. Makurub bichoo kiyee mache metewookwaa. Makooruruukkoot kaaneetikwaa ku chaang' chee makooneete icheek kiyee kicham kuyebchine yiit. ⁴Makoomiing'chi met ng'alyoonteetaab manta ankuweekyi keey tyoonkoochoy chee mabo man.⁵Nto inyding' amwoowuung' kule ikiil am keelwookik tukul. Imuytoochine nyaliluutek chee inyooru. Iyeye yiisyeet nyee keemakyine kaantooyiin kule kuyeye. Iteryeech yiisyeeng'uung tukul nyoo machaktoos kule iyeye.⁶Mii wokuyitu besyeet nyee keemiite bokikooyo keeyeyeenaa koroseek. Kaakuyit besyeet nyee ang'eetee korooni. ⁷Kwaam-am booryeet nyee karaam. Kwaawaany labateenyuu ankwaakilchi manta.⁸Kunyoo, mii kukanyoonwoo kiito ake nyee makeetuweneneeno. Nto kiyoo ku tuweneetaab churtaayeet. Tuwenoonooto ku nyee makukoono Mokoryoonteet nyoo churtaat yoo itiilchine biiko ng'al. Meebere anii nkit nyee mii chokutuweno, nteenee mii chakutuwene biiko tukul choo mii kookenoonu chooneenyii.⁹Isyeem wolee imuuktooy ichoo areet akeenke woli amiite. ¹⁰Kookubakaakta Teema ankuweechi keey akoy Tesaloonike kuuyu kikicham tukuuk chebo korooni. Kookuve nkinee Kereeske akoy Kalatyaankokuwo nkinee Tiito Taalmatya.¹¹Kwaang'etu nkit ak Luuka. Ichoonte keey Maarko, kuuyu chii inee nyee imuuch kuyechteecho am yiisyoninyuu.¹²Kayayokte Tukiiko kuwo akoy Efeso.¹³Kunyoo, yoo ichoonyi iyibwoo kabuutiinyuu nyoo kyaabokokyine kaab Kaarbo am Turoowa. Iyibwoo mbo nkicheek kitaabuunekyuu anku miisin choo kikeeyeytee muuyto.¹⁴Kookwaarantaa nyee makymoomu kkitoong'iintonoo bo karin nyoo keebera Aleekisaanta. Nteenee makuyooki Mokoryoonteet am kiyee kookuyey.¹⁵Kunyi, iriibee keey nkinying' wolee mii chiichoo, kuuyu kikwiil ng'aleekyoo am nkuruuk.¹⁶Yoo kyaayeete keey nyeb taay, kumweyeenoo chii ake tukul nye mamii mbo akeenke nyeee kichakusoorwoo. Leyye, asooye Yeyiin kunyoochi bichooto kaat.¹⁷Ankoor kiwuuy ooto, kicho Mokoryoonteet ankootitiroo sukung'eet kiimuuch kyaamta ng'alyoonteet kuchurta kubunteenoo anii nto anyuun, kucas nkicheek biiko choo ma Yuutayee. Nteenee, kikiiraraacheenaa kutiitaab kimakeetyeet.¹⁸Makooraraacheenaa Yeyiin wolee mii kiy ake tukul nyee miyat ankooreetooto nyee karaam akoy waawut kanyii am kibkoonkoy. Leyye, kutororiit Yeyiin akokokoy. Kuwuuyiit nyooto.¹⁹Isuboowo Brisila ak boonteenyii Akiila ak nkicheek bikaab kaytaab boonteet Oneesifooro.²⁰King'etuunee Eraasto kooriinto, nteenee kyaabakooku Turofimo kumnyaanaat am Mileeto.²¹Kunyoo, isyeem wolee imuuktooy iyitu woli kumanaang'ootyen koreet. Isubooying' Ebuulo ak Buute ak Liinus akoo Kilaawutya ak nkicheek mbo ng'eetaabiya alak tukul.²²Kuriib Yeyiin tamirmiryeng'uung' ankooberuuriing'.

Titus

Chapter 1

¹Anii nyoo Bawulo nyoo ayechine Yeyiin yiisyeet. Kitoola Yeesu Kiriisto lebkeeyiinteenyii ankooyookto ayechtechine biiko choo kiikukwey Yeyiin kooyeenchi inee ankoonket manta kurubtakeey kiyee makweech Yeyiin.²Ayeye yiisyooni akenee keey soboontaab kibchuulyo. Kmannaakeetoow kooreet kumwooy Yeyiin nyoo matinye lembech kule makukooneech soboontaab kibchuulyo.³Yu kayityiin besyoosyek kung'ong'weech Yeyiin nyoo kaarorookiinteenyoo ng'alyoonteenyii ankutoola anii kule aamtaate lokoywechoo karoomech.⁴Asiruung' inyding' Tiito nyoo iwuyue lakwanyuu nyabo man kuuyu kikooskeeey tukwaay Yeyiin. Kooberuuriing' Baaba Yeyiin ak kaarorookiinteenyoo Yeesu Kiriisto ankukooning' kaalyeet.⁵Kiyee kiyeha saabakokyinying' Kereete ku kule, kyaamache kule sirootooote yiisyonuutek choo kimaakiwaang'te. Nto subak kiyee amache ku kule siitoolaate boyikaab biikaab Yeyiin am kiriing' ake tukul kuu yoo kyaamwoowuunh'.⁶Machaktoos boonteet nyabo biikaab Yeyiin ku chii nyee matinye leelis anku chii nyee tinye koorkeet akeenke. Machaktoos ku kiikunam lokokchi ng'alyoonteetaab Yeyiin anku leekooy chee ma kawoot amatinye kewenateet.⁷Machaktoos kaantooysiinto ku chii nyee matinye leelis kuuyu iyyong'chine yiisyeetaab Yeyiin. Mamachaktoos kukase keey nto ku kibsiirmooyoo. Mamachaktoos mbo ku chii nyee kibookityoo nto ku chii nyee kicham woorooryeet nto cheemooyeetyoo.⁸Nteenee, machaktoos ku chii nyee ruroot moo anku nyee kicham kuyeye ng'al chee karoomech. Machaktoos subak ku chii nyee choboot, nyee chuulaat, nyee tiliil anku riibe keey.⁹Machaktoos kuriibe miisin

kaaneeteyweek chebo man kuu woloo kikiineetita sukung'eet kootitiir biiko alak am kaaneeteyweechoo ankooburyoong'tooy biiko choo kwiile ng'aleechaa.¹⁰ Amwwoye kuunyooto kuuyu mii biiko chee chaang' chee chemakwiiliis. Biich bichu chee baloobaloote baateey, akoobootoote biich motowoy nteenee chee yeypo ng'aleechu miisin ku choo isste kule akoy kiimuraatan chii skuchamte Yeyiin.¹¹ Kere koong' bichoo kuuyu mii koobootoote koorin kumukuul kooneetoote tukuuk chee mayamaktoos kule kiineete. Nteenee toortooy muchas kuyeyaat kuu nyotoo.¹² Kumwooy mbo workoyoonteeeng'wa akeenke kule, kiblembechiis akookoy biikkaab Kereete anku biich chebo rokos, buren ankucheemooyeetiis.¹³ Man ng'alyoontoonoo ku nyoo iburyoong'tooy bichooto sukung'eet kurub ng'alyoonteetaab Yeyiin am keelto nyee karaam,¹⁴ Amarub tukuuk chee ineete Yuutayek alake nto kiiruutekaab biich buch. Kiikuchuunyee bichu ng'alyoonteetaab manta.¹⁵ Tiliil kiy ake tukul am wolee mii biiko choo kikiitiliil. Nto choo ma tiliilech, ameenchine ku mamii kiy nyee tiliil am wolee mii choo. kubooyiit man, kukwoonykwoonyekiis metewookwaa nyee meenkete kiyee karaam ak nyee miyaat.¹⁶ Yeye keey bichoo kule inkete Yeyiin, ntenee iboru atebuieukwaa kule meenkete. Biich bichoo chee kiikumiyeetiitu ankukawoot nyee mayemootiin mbo kuyey kiy nyee karaam.

Chapter 2

¹Nto inyiing', Tiito ku machaktoos ineete kurubtakeey ak kaaneeteyweekaab man. ²Machaktoos booyik kuriibekeey ankuyek booy chee koonyitootiin anku chobootiin, chee ikooosee keey Yeyiin kuyitita ankkuboonto chamateet ak muytaayeet.³Ineete nkicheek cheebyoosook koobuur kuu wolee machaktoos koobuurtooy choo bo Yeyiin. Kuteyekeeey semseemnyeet ankutayeekey bookiteet. ⁴Nto kiyee machaktoos kuyeye ku nyi; Kooneete kooruuk choo taku minkeech kule kuchame saanikwaa ak lokokwaa. ⁵Makooneet cheebyoosoochaa kooruuchaa kuriibe keey ankuyey koor chee churtootiin, kuyeye karoomin yiisyonuutekwaa am kestoon ankuyek koor chee karomech moonik. Machaktoos kooyweye saanikwaa sukung'eet kumakeenyere ng'alyoomteetaab Yeyiin.

⁶Ineete nkicheek aybeeriik kuriibe keey. ⁷Nto inyiing. nkit, iyey kiy ake tukul nyee karaam sukukaseeniing' biiko chuut. Yoo ineete biiko ku machaktoos ineetiisy am keelto nyee churtaat anku choboot. ⁸Yoo i-am lokooy, Machaktoos kubo man, sukung'eet mamii kiyee iyyong'unee chii kumache kukwiiling'. Nto yoo mache chii kukwiiling', ku makoosuuyto nyoo nkityo, kuuyu mamii kiy nyee miyaat nyee imuuche kumwooy kuruubta keey akacheek.⁹Machaktoos kooyweye motwoorik mokoreenikwaa anku yeye kiy ake tukul nyee ing'ereeche mokoreenikwaa amamachaktoos kuketyine mokoreenikwaa ng'alyoo¹⁰ amachooree tukuukwaa. Nteenee machaktoos kooborchine mokoreenikwaa kul karomech icheek ankiikooseekeey am kiy ake tukul nyee imuuche kuye kaaneetiisyetaab kaarorookiinteenyoo Yeyiin kung'erek yi biiko.¹¹Amwooye kuu nyooto kookoobo Yeyiin kule chame chii ake tukul. Kiirarooke chii nyoo ikosee keey Yeyiin. ¹²Yeyeech chamateetaab Yeyiin keetay tukuuk choo ma bo Yeyiin ak mbo tukuuk choo bo koorooni, ankeeminy nyee keeriibe keey, nyee churtaat anku nyee rubtooy keey ak wolee maktooy Yeyiin. ¹³Kiikooberuureech Yeyiin kule yoo takeeminye koorooni ku kiikenekeey besyeet nyoo iyeewunee Kaarorookiintet Yeesu Kiriisto. Yooto yee makeekas lekeeyyeetaab Mokoryoonteet Yeyiin nyoo woo.¹⁴Inket kule kiikoooyo Yeesu sobonnyi sukuwalang'uneeneech wolee mii rokosto tukul sukung'eet kootiliilech keeyeku cheechii acheek choo keemache miisin keeyeye tukuuk chee karomech.¹⁵Kunyoo machaktoos ineete ng'aleechaa kaamwaay ititiire chuut ankiyisu am kaamukeyweekaab Yeyiin nyee meeber makumoontiing' chii.

Chapter 3

¹Machaktoos isoowu biikaab Yeyiin kooyweye baytooyik ak kaantooiyik ankuyeytooyooti kuyeye kiy ake tukul nyee karaam. ²Machaktoos mbo subak ku mang'aloolootee biiko alaak nyee miyaat amawookuutyye. Machaktoos kutalayiit am wolee mii chii ake tukul ankuyibe keey ng'weny.³Kany aboruung', kikeekoryootiing' nkacheek besyeet ake ankeeyeye keweynateet. Kikiikeetewachakse ankikiikoolaambuuchech tukuuk tukul chebo leles ak tuyintaab moo. Kikiikeetayeech ankikeetaye nkacheek biiko alak.⁴Nteenee yu kawokooboorweech Yeyiin karoomnyenyii ak wolee chamtooy biiko, yooto kooraraacheech. ⁵Kiiraraacheech ameebere soo kule kuuyu kikeeyeye tukuuk chee churtootin, nteenee kubo riirikyii chee kiriireeneech. Kikiitiliileech yoo kikesicheech subak ankeenyooru sobonto nyee leel kubunune Tamirmiryetaab Yeyiin⁶nyoo kikeeroong'cheech am choong'into kubunune Yeesu kaarorookiinteenyoo. ⁷Kiyey kuu nyoto sukung'eet keechurte am taayeenyii kubo chamateet nyee boonteneech am riirikyii ankeeroobweech sobontaab kibchuulyo nyoo kiikeneekeey.⁸Ng'alyoo nyoto nyee kiikooseekeey. Machaktoos ikas kule keenket biiko ng'aleechu karoomin sukung'eet kunyoor mooyeet choo iyeenchine Yeyiin kuchob asiiswekwaa kuyeye tukuuk chee karomech. Yoo kayey biiko ng'aleechaata, makukaramchi. ⁹Nteenee itayeekeey kwiilateet nyee berber, ankiitayee keey mbo subak itetuu koynooy chebo Yuutayeech chebo keny, itayee keey wookuutyet ak kwiilateet nyee rubtooykeey kiuutekaab Yuutayeech, kuuyu mayibwook kiy anku bo buch. ¹⁰Irwookyine chiito nyee yibu bcheyateet nyeb taayta, nto mii yoo, irwookyi subak, nto yee makase, itayee keey. ¹¹Machaktoos inket kule kwaanykwaanyaat chiichoo ankooboru mbo ng'ookito nyee boonto kule machurtaat¹²Yoo kaayooku Arteema nto Tukiiko, isoru keey areet akeenke akoy Nikobooli. Kaasoot kule waamuunyee wolooto am yiwooteet nyi chooni. ¹³Iyey wolee imuuktooy iyoomiis Seena nyoo tinye kiernateetaab kiuutek. Iyetyeechi nkinee Aboolo am keeltaab too ankiikas kule kanyoor kiy ake tukul nyee mache.¹⁴Machaktoos koonket biiko koonemchi keey kuyeye tukuuk chee karoomeech sukung'eet kunyotoru kiye mache am besyo ake tukul ameebere kule kuyeku buren. ¹⁵Isubooyiing chii ake tukul nyee kiibuurtooy keey am woli. Kunyoo, isubaay nkinyiing' biiko choo chameech ankoooseekeey Yeyiin kuuacheek. Kooberuurook Yeyiin akweek tukul.

Philemon

Chapter 1

¹Bowuulo retiinteet am woolee mii yeesu kristo ak ng'eetaabiya temeteewo kuyiityi nyee chaamaat choorweenyoo filemon, akoo nyee keeyeyiishii tuukuul mootwooriinteet, ²kuyiityii cheebiyya Afiya akoo askoriinteenyoo Arkibas, akoo kootaab sayeet nyeeboo kooyooto ³onyoruu kisaaytaa ak toolooshet kuchooonee woolee mii babaa yeeyin akoo yeesu kristo.⁴Akoostoooy babaa yeeyin asiisweek tuukuul. Atweechiing am soowuteek kwaanii. ⁵Kyaakaas choomnyeet ak kaayeneet am woolee mii baaba yeesu kristo kuboo biikaab saayeet tuukuul. ⁶Asomook kulee miingeeteet nyooobo kayeeneengw'oong kunyoor beeruurtoo kuruubtooykeey ak kierneteet nyee otinyee am ki akee tookool nyee karaam am woolee keemiitee ak yeesu kristo. ⁷Ambiiyee kyaatiinyee ngeereekweek akoo muutyoo kubboo chaamaateeng'uung, ambiiyee kiiisopchii nyiing bikaab sayeet mukuulweekwaa. ⁸Am yotoo, ankaa atiinyenyiikaaneeteet am woolee mii kristo akeerchiing' koong kiiyee imuucheyey, ⁹nteenee am chaamaateet, asooying' anii boonteet Bowuulo teenee raat araataat kuboo yeesu kristo. ¹⁰Amiitee amwoowoong' kuruubtooykeey lakwanyuu onesimas nyee kyanyoruu amiitee arataat, ¹¹Ambuyuu keeny kimeenyooluu, ntenee raat kunyoolyiing nyiing ak anii. ¹²Kaayooku nyee bo mooyeenyuu kooyeechiing. ¹³Asootee kulee nteketeesee taay ak anii, sikuuyeetyeechoo am borooyng'uung amiitee reetisheet kuboo ng'oolwooneteetaab yeeyin¹⁴Kimaameechee ayaay kii ak kumnee ikoonoo boorooyng'uung. Kyayey kunyotoo simootook kulee yokamaayeeyeekeey ng'oolwoo karaam keemwoow kulee kyaakeerching kong', ntenee kicham nkityooniin yaay. ¹⁵Kiikibesheeneech kumiiniing sikeetuyee kipchuulwo. ¹⁶Simeeyek suubook motwooriin kuu anii kuutoroorit missiin kukeeytee motwooriik chaamaaneenyuu am woolee amiitee ambuu boortoo akoo mokooryonteet yeesu kristo. ¹⁷Kunyoo wuu woloo kyootoktaanii kuu choorweet otaach nkinee kuu nyoto. ¹⁸Nteenee yoo kakustoochiing' kiy ake tukul nto kutinye besenng'uung' maakwewuung' ani. ¹⁹Asiree ani nkityo Bawulo awunyuu kule maakway besenoo kumanaachiing' soboonng'uung'. ²⁰Awoy ng'eetaabiya, kany anyooru ng'erekweekaab am wolee imiite seebaybaaya mukuuley nyuu. ²¹Atinye kaayeneet am koonyit nyee iboonte kule meeyey chee keeytee woloo kataasoomtiing'. ²²Am kibakeenke nyoto, iyeyte kooto nyebo tayek kubo anii

kuuyu machaaweesyeteeniing' am leekito.²³ Isubooyiing' Efira nyoo kyoontooy tukwaay ng'alyoonteet,²⁴ akoo wolee yeutooy Maariko, Ariistaako, Teema, Luuka choo yeysiye akoo anii. ²⁵ Obuurte kiisaytaab Yeesu Kiriisto akookoy. Kuwuuyiit nyoto.

1 Peter

Chapter 1

¹Anii nyoo Betero, lebkeeyiinteetaab Yeesu Kiriisto. Asirwook akweek choo kiikukweyaak Yeyiin, choo kyoosereetyi yeemeetaab Boonto, Kalataya, Kabatookyaa, Eesya akoo Biituunnya. ²Kisimkucham Baaba Yeyiin kule makukweyaak, ankootililook Tamirmiryenii kuyiseenook korotiikaab Yeesu Kiriisto sookoonyit Yeesu. Kooberuurook Yeyiin miisin onyooru kaalyeet. ³Kusilakoy Yeyiin nyoo kwaanitaab Mokoryoonteenyoo Yeesu Kiriisto nyoo kiriireeneech miisin kuyeyeech/kesicheech subak kenyoru soboonto nyee kiimoonteekeey, kuuyu kiing,eetee yeesu meet. ⁴Keeboonte beruur am kinkonkoy nyee konoraat kuboacheek,nyee mobote , nyee manune,amanyeeraktoos. ⁵Kuuyu kikosekeey Yeyiin, riibeeneech kamukeeyweeklyii akoy besyetaab tabanta yoo kaakiroochakisye kutukul. ⁶Ong,erech kubo ng'aleechu ankoo koobuntee wusiisyeet ak nyaluluteek chee makarkeey am besyoos chee ng'eri. ⁷Kkeetyemook sikiinket kule okooseekeey man Yeyiin. Kuu yoo kiitiliilee maataab mecheechta nyoo mabeennyee, kiitiliilee kakaseeng'woong' nyaliluteek kuboyiit kwong'uut miisin. Yooto, makitororook kikastaak ankeekoonyitook bosyoonoo iyewu Yeesu. ⁸Omiite ochame Yeyiin,ankoo mebere kyookas.Ankoo meebera okase inee raat, okoose keey inee ankobuure am ng'eereekkweek chebo baaraak miisin nyee mamii mbo ng'ala chee kiimuchee kemwoowuunee ng'aaraakweechata. ⁹Boonyoru tuwento nyebo kaakseeng'woong' bosyoonoo kiiraroochook kutukul. ¹⁰King'oor woorkooyiikaab Yeyiin chebo keeny woole kimakooraraakaak inee am chameyenii.Kicheeng'se workooyichoo miisin konkeet ng'aleechuuteechu. ¹¹Kimache kunkeet besyeet nyee kimakuchoonnee kaararookinteeet ak wolee maakuuuyiit boosyoonoto.Kimwoochii ttamirmiryetaab kiriisto nyoo kiimi ariing'waa kung'oor ng'wooninto nyee kimakinyoor karorookinteeet ak wolee kimakitoroorto. ¹²Kilborchi Yeyiin woorkooyiicho kule kimayichiinekeey cheek isyoonoo,ntenee kiyooowook akweek.Onkeetee raa ng'eeleechu, kuuyu kyomwoowook biiko lokooyweek chee karoomech kubununee kibkoonkoy.Ng'aleechuutechu cheebere mbo malayikaniik nto inke. ¹³Kunyi, leyye, onamte met kiyoo kyokas.Oribkey onkookenee keey kuchurta kiyee makibeerureenook yoo katook Yeesu Kiriisto. ¹⁴Kuu yoo omache okasyi Yeyiin morube tukuukaab muchas choo kyoobonte kumoonket inee. ¹⁵Otililiitu am kyi ake tukuul nyoo oyeye,kuu yoo tiliil Yeyiin nyoo kikurook. ¹⁶Mwooye suruuteekaab Yeyiin, otilliliitu kuuyu atilil anii. ¹⁷Keboonte Baaba nyoo meenkweele chiita ankootilchine biiko tukul ng'aleek kurubta keey wolee kikuyaya.Kunyi, oyweye inee ankomunye onkete kule oyeku toyek am korooni. ¹⁸Onkete kule kimakeewalunenook tukuuk chee wuu Feetaan nto Buntetiik choo bootoos, ntenee kiwaluneenook kaararookinteeet korotiikyii chee mamii kiyee kiwuuychtee soong'eetyee atabuuteechoo kimabo mbo laat choo kibo mbo kukoong'. ¹⁹Yoo kiwaastooy inee korotikyii, kikikerkeyee meenkich nyee tiliil anku lubkoob²⁰Kikiikeekwae kaararookiintoonoo kumanaakeeyey kookreet ankiborkiiboor inee am besyoosyechu bo tabanta kubo akweek. ²¹Kuu yoo kyookaasee keey kiriisto, omuuche ra otkiye keey Yeyiin nyoo kiing'eetee inee meet ankootoroor.Kunyoo,omuche omaang'tee keey Yeyiin kutukul. ²²Kunyoo, leyye,ochoomtoosii miisin am mooyeet akeenke,kuuyu kyookoonyiit ng'alwooteetaab manta ankyootiliil keey soonyoru chamateet nyebo man am wolee mii tubchoosyekwook. ²³Kikesichook subak kubunune ng'alwoonteetaab Yeyiin nyee yeysiye akookoy.Kimasubak kubunune ng'alwoonteetaab Yeyiin nyee yeysiye akookoy.Kimachoonee sobooni leel kiy nyee beku,ntenee kichoonee kiy nyee mabeku.

²⁴Mwooye ;siruutek kule, Kerkeey :biiko tukul suus ankukerkeey :soboonng'waa toobtooy, sistoos suusweek, ankurarache toobtooy, ²⁵Ntenee mang'ete ng'alwoonteetaab Yeyiin akookoy. ng'alwoontooniitenyi nyoo kikyoomwook.

Chapter 2

¹Kuu yoo kootayee keey naanyun kaaberbeeriisyeet, ng'al chebo lembeech,tuuyintaab moo nto ng'omseet,

²Ocheeng'e cheeko chebo soboontaab tamirmiryet kuu yoo mache leekoy kureeri. Yoo kooyey kuu nyooto makwaalaak am soboni leel, ³Kuuyu kyoochamcham sikenateetaab Mokoryoontee. ⁴Tiiyeywoo kiriisto anku rwaa nyee soboot.Kitaay biiko rwaantana nteenee kikwaay Yeyiin anku cham.Okwoonchi inee akweek choo

⁵Oyeku ku rwoontook chee soobchootiin sikeetechnaak kootaab soboontaab tamirmiryet. Oyeke mbo kibkoros choo kikotaabaan Yeyiin oyechine koroseek chee chame inee am tamirmiryeenyii kubunte Yeesu Kiriisto.

⁶Mwooye siruutek kule, Maachibchi Saayoon rwaa chee tiiyeywo, rwaa nyee kyaakway ankaacheme.

Makiintosuure nyoo ikoseekeey rwaantaanaa,⁷Bo kwong'uut rwaantaanaa am akweek choo okooskeekey Kaarorookiintee. Nteenee mwooye siruutek kurubta keey choo meekoosee keey inee kule, "rwaanteet nyo kitaye

biiko kuteekta nyee koouyek tiiyeywooneteetaab kooto". ⁸Kikesir subak kule, "Inee ku rwaa nyee kaanakuut ankoonache biich". Ibooru siruutechu kule ibuutoos biiko yoo taye kookaasee keey ng'alyoontetaab Yeyiin. Wuu

nyooto wolee kiikuchobto Yeyiin.⁹Nteenee, okweyootiin akweek, mbo kibkoros chebo Baytooyintee, biiko chee

tiliilech chee kisat Yeyiin oyeku cheechii soomwaayte karoomnyetaab nyoo kikuurook okwaanee wolee mii meenaneet obeechei lebkeyyenyii nyoo bo kwong'uut. ¹⁰Kimoobooye Yeyiin, nteenee obooye ra. Kimarireenook

Yeyiin, nteenee riireenok ra.¹¹Leyye chooroonuutekyuu, kuuyu obooye kooreet ake, amwoowook kule moomach koobelook muchastssb koorooni. ¹²Machaktoos otebtooy biiko choo meenkete Yeyiin am keelto nyee karaam.

Ankoo kung'alooleenook nyee miyaat, makoosoote tukuuk che karoomech choo oyeye ankumakusilto Yeyiin besyoonoo machokootiilchi biiko ng'aleek.¹³Okoonyite biiko choo wooyech sukukoonyitakoy Mokoryoontee.

Okoonyite baytooyintee nyoo kikiikoochi kaamukeyweek kubaytooyiis¹⁴ak kaantooiyik choo mii ng'wenyuunyii choo kase kule kakiing'woonchi kawootik ankeesilte choo karoomech. ¹⁵Mache Yeyiin kule oyeye tukuuk chee

karoomech simanyoor choo meenkete kiy nyee mwooye. ¹⁶Otyookootiin akweek am kiruutek nteenee, mayeyaak yooto oyeye ng'al chee miyotech. Onket kule oyechine Yeyiin yiisyeet. ¹⁷Okoonyite biiko tulul. Ochame biikaab

Kiriisto choo oboonte keey. Oyweye Yeyiin ankookoonyite baytooyiin.¹⁸Machaktoos akweek motwoorik okoonyite mokoreenikwook kuyem. Mookoonyite baateey choo siken anku karoomech, nteenee akoo nkicheek choo aweesech. ¹⁹Yoo koomuytoochi ng'woonin nyee mamisyook, kooberuurook Yeyiin kuuyu onkete kiyoo makwook.

²⁰Araa ii, karaamat nee nyee mii yoo omuytoochine keebirook kubo kiyee miyaat nyee kooyey? Yoo koomuytoochi ng'woonin kukooyey ng'al chebo man, makooberuurook Yeyiin.²¹Ngaleek chee wuu chuutechu chee kikuurchook Yeyiin. Kinalil Yeesu kubo akweek ankiikubakooktoowook kaaneeteywo sooruub kuu woloo kiyeytooy inee.

²²Manaayey inee ng'ooki amanaalat biich. ²³Ki yoo kakeechub, kimaketu, nto yoo kang'woonchi kiy, kimeeruustooy biich, nteenee kibakookchine tukul Yeyiin nyoo itile ng'aleek chebo manta.²⁴Kiyyum Yeesu

ng'ookiswookikyoo ankuweeto akoy murtooywoontee. Kunyoo kimeetakubaweech ng'ookisto nteenee keeyeye ng'aleekaab manta. Kikiisoobeech kubo mwoowookyii. ²⁵Kikeekerkeeye keechiirek chee kiikubootyo, nteenee kookuketweech raat keekwaa wolee mii akiintee nyee riibeech.

Chapter 3

¹Machaktoos nkakweek kooruuk oyweeye saanikwook, si yoo maneekaasee keey icheek ng'alyoonteetaab Yeyiin, makuyis icheek atebuutekwook choo karoomech kookaasee keey Yeyiin nyee manootwekyi ng'alyoo. ²Yeyaktoos kuu nyotoo kuuyu makukasee atebuutekwook ak wolee oyweytooy Yeyiin.³Moomoong'tee keey tukuuk chee yeyook okaroraniitu kuu oyeytooy buuteekwook, olooche sinkiliinek nto sirooy chee karooran. ⁴Cheebyoosya nyoo baybay ankoontusoot kutookunee wolee wuu karoraniinto nyee iboorunee keey soboonnyi nyoo bo ariit. Karaarananaataani mabeku nyee chame Yeyiin miisin.⁵Kiikaroranee keey kooruuk chee tiliilech choo kibo taay choo kiimoong'tee keey Yeyiin soboon nyee wuu nyotoo. Kiiyweye saanikwa, ⁶kuu yoo kiiyweye Saara Abraham kukuure kule motwooriinteenyii. Oyekuu akweek tibikaab Saara, yoo oyeye ng'aleek chee karoomech nyee makoy omuyee sanikwook.⁷Nto akweek saanik, obuurtooy cheebyoosookwook am keelto nyee intusoot ankoochame, onket kule biich icheek chee anyosek, kuuyu makutuwenook Yeyiin akweek tukwaay onyooru soboonto nyee leel. Oyeye kuu nyotoo simakerekta kiy soowuutekwook⁸Machactos nanyuut okasyiintoosii tukuul ankooriireekey.Ochromtoosi, okosyiine keey kisaya onkoibekey nw'eeny. ⁹Mooyaktee miyyootyoo,miyyootyoo amonchuuruusyee yoo kakiinchuuruurook.Nteenee osoommchine beerur biiko choo yeewook kyi nyee miyaat, kuyuu mokwook Yeyiin kule oyeye kuu nyotoo sonyooru berur.¹⁰Mwooye suruuteek kule, chii nyoo mache kumuuny am ng'ereekweek,akoy koliloon, kutayeekeey kuwirunote ng'aal chee aweesech anku saan kung'aalolote ng'aal cheebo leembiech. ¹¹Kusaatee keey rokoos anku yey ng'aal chee koroomeech ankoonomchi kobuur am keelto nyee ibu kaalyeet. ¹²Yeebchiine yiit Yeyiin biiko choo koroomeech, anku kesyiine riirk kwa. Nteenee ituukyine batay kibrokosisi.¹³Ara mii chii nyee ing'woonchine biiko chee kayey ng'al chee karoomech? ¹⁴Yoo koonyalil kubo kiyee karaam nyee kooyey, onyooru beruur. Moonyokoriitu nto kwaamaak ng'uusng'uus. ¹⁵Oyweye Kiriisto nyoo Mokoryoonteeng'woong'. Machaktoos ochobootiin akookoy sootinye kiy nyee omuuche owalchi chii ake tukul nyee kateebeenaak ng'alyoo kurubtakeey kiyee okeneekey. ¹⁶Nteenee oyibe keey ng'weny ankookoonyitiisye. Obuure nyee chulootiin kaasooteyweekwook, sukucholyo choo ng'alooleenook nyee miyaat kubo karoomnyeet nyoo oyeye kubo Kiriisto. ¹⁷Onket kule kaykay kiinyaliilaak yoo kooyey kiyee karaam yoo akoo chamateetaab Yeyiin kusiir yoo kooyey kiyee miyaat.¹⁸Ankoo kichurtaat kaarorookiinteet kime kubo biiko chee machurtootiin sukoonket bichoo Yeyiin. Kime meet akeenke kubo ng'ookiswookikaab biiko tukul. Kikeebakach boornyii ankiikoochi soboontaab tamirmiryeteet. ¹⁹Nto yityo wokwoomchi lokooywek tamirmirook am kaakwoombiich. ²⁰Ki tamirmirook chuutechu chebo biiko choo kimanaakoonyit Yeyiin yoo kikiikoochime barooyinto nyee woo kule kuweek kuteeche Noowa mweenkeet. Kikiiraraach biiko chee ng'eri choo kimi mweenkoonoo am taambiliilyeet. Ki sisiiit²¹Kyoorooru kiyee kibuntee bichoo am mweeng' batisiisyeet kuuyu nyooru biiko kaararaacheet besyoosyechu kubuntee beeko am baatiisaneet. Meewune baatiisaneet sumtaab boorto nyebo chii, nteenee bo kule koonket chii tilyaanateenyii ak Yeyiin. Yeyaktoos kuu nyotoo yoo iyenchine chiito kule kiing'eetee Yeyiin Yeesu Kiriisto meet. ²²Kiikuwo Yeesu kaab Yeyiin anku mii awutaab taay nyebo Yeyiin kubaytooy malayikaanik tukul, choo baytooyiisye ak choo bo kaamukeyweek.

Chapter 4

¹Kinalil Kaararookiintet. Kunyoo, oyeyte keey nkakweek onyalische, kuuyu chiito nyoo kaakuchamta keey kunyalil kaakusatee keey ng'ookisto. ²Meetakoowoonkyine chiichoo soboonyii tukul kurube muchastaab biikaab koorooni, nteenee ibuure kuu woloo maktooy Yeyiin.³Kyoobootyi besyoosyek chee chaang' oyeye kuu woloo yeytoooy biiko choo meenkete Yeyiin. Kyooyeye sikornateet, kyoorube muchas, kyoobookiitoosii, kyoochuultoosii sookwoonut ankookutung'chine aynatoos. ⁴Ilate chooroonuutekwook choo kibo keny yoo moolumchine ng'ookisng'waa nto yooto nanyuun kung'oomook. ⁵Makurar chii ake tukul am bichoo ng'aleekyii nkit am taayeetaab Yeyiin, nyoo itiichine ng'aleek biiko choo sobchootin ak choo kiikubek. ⁶Kiyoto nyee kiyey kyoomchi lokooywek chee karomech biiko choo kiikubek, si ankoo kibek icheek, kunyooru ⁷Kaakuleekitiit tabantaab kyi ake tukul . Kunyoo oriib keey soonechene keey sayeet am mooyeet akeenke. ⁸Kiito nanyuun nyee miite ochoomnye misin kuuyu yibu chamateet nyooyeetaab kaat kubo ng'ookiswookik chee terchin. ⁹Otooche keey am kelto nyee moong'uung'unyee.¹⁰Kiikokochi Yeyiin chii ake tukul am akweek roobeeywooneteaab tamimrmiryeet nyee makerkeey ak nyebo ake, sooyetyeechene biiko alaak.Kunyi,machaktos kuyeyisyee chii roobeywoonteenyii am kelto nyee karaam. ¹¹Yoo ng'aloole chii, kumache kung'alooltochine Yeyiin, nto nyoo yeetyeechene chuut, kumachaktoos konkete kule Yeyiin nyee kou kamukeeyweek.Yoo kakeyey kuu nyoto, kikaste Yeyiin am tukuuk tukul kubunune Yeesu kiriisto.Kutororiit inee ankubaytoysiis akokooy kuwuuyiit nyoto.¹²Leyye chooroonutekyu, molate yoo kakiibunteeenook mataab tyeemuteek.Mookase yooto kuu kyii nyee leel nyee kayeyakay am woole omiite. ¹³Nteene ong'eerekiisyee, kuuyu omiite onyeliile ako karoorookinteet, soonyoru ng'aareekweek chee chaang boosoyno mokutook wooyiinyii. ¹⁴Kakiinchuuruuroo, kuuyu okeseekeey Kiriisto ,oyiib kule oberuurootiin misin kuuyu oboonte keey tamirmiryetaab Yeyiin nyobo kwoong'ut.¹⁵Mookany kumwoontyook kuu woolo ng'oochintchintoy chii nyee karuummis, nyee kachoors,nyee yeey ng'aal chee miyooteech,nto mbo nyoo iwuatotekeey ng'aaleekaab biikaalaak. ¹⁶Yoo kooyootu kuuyu oriibe kiriisto,moomuyee nteene obiirchii Yeyiin koonkooy, kuuyu oboyee Kiriisto.¹⁷Kaakuyiit basyeet nyee makitiilchi biiko ng'aaleek anku mokeetowune biikaab Kiriisto.Ara,yoo kakeetoowuneeneech keey ng'aaleek ii, makuwuuyiit nee am woole mii choo meenchii lookooyweek chee koroomeech? ¹⁸Kuu yoo mwooye suruutek kule, yoo wuuyiityine biiko choo koromeech kiraaraach ,kuwuyiityine soo nyee tyaa kibrookosiis? ¹⁹Kunyoo, machaktoos biiko choo kakinyaaliil kuu moktooy Yeyiin, kukilchi Yeyiin nyoo kikose keey anku taastaay kuu yeey ng'aleek chee koroomeech.

Chapter 5

¹Leyye, booyikaab biikaab Kiriisto, anii akenke am akweek. Kyaakas wolee kinaltilta kaaarooroonkintee anku makeroobwoo nkanii wooyinto kooyyiin iyewu inee. ²O ake keechiirrek choo kiukoonook Yeyiin. Mooriibe wuu nyee kakeerchook koong', nteene onochie keey kuu yoo machee Yeyiin. Mokany kutortaak muchaastaab beesaniik nteene ochaam oyeechi Yeyiin isyeet. ³Mooruruunye biiko choo kiikekonook oriib, nteene oyeye kiyee karaam suukasunnenook bichoo. ⁴Nto yoo kachoo akiinteet nyoo woo, makeetuwenenook kiy nyee woo nyee weetii akookooy. ⁵Machaktoos akweek aybeeriik okoonyiite booyiik. Oyibe keey tukul ng'eny kuuyu mwooye suruuteekaab Yeyiin kule, meriiku Yeyiin nyoo ng'ase keey, nteene iberuure nyoo yibe keey ng'weny. ⁶Yoo kooyib keey mweny am wolee mii Yeyiintetaab kamuukeey, makootoroorook yoo kayit besyeenyii. ⁷Obakookyi muytayeeng'woong' tukul Yeyiin, kuuyu riibook. ⁸Oriib keey ankookas miite kibrokoosyoomteet nyoo buunyoonteeeng'woonng' kuwooliinkenoote ankooririyote kuu ng'etiny kucheeng'e chii nyee karuum kubek. ⁹Okilchine okoosee keey Yeyiin sookerekte buunyoontoonoo. Onkete kule miite mbo tuubchoosyekwook am koreet tukul kubunte nyaliiltu nyee wuu nyitiinyi. ¹⁰Yoo kaking'woontyook besyoos chee ng'eri, makootiriirook Yeyiin nyoo chomook anku nyoo kiukukurchook wooyinyii nyebi akookoy am Kiriisto sookiil ankookimkimihihtu. ¹¹Kubayiitoyiis inee akookoy. Kuwuyiit nyoo. ¹²Ayookwook lookoywechu ng'eri kasirwoo siila, ng'etaabiya nyee akoseekeey. Amache atitirook amwoowook kule okiilchi chamateetaab Yeyiin nyoo bo manta nyoo machaktoos oyong'unee. ¹³Isubooyook biikaab kiriisto am babiloon choo kiikekwaay kuu akweek ankosuboyook kine maruko nyoo kyayay kuyeek werinyuu. ¹⁴Otorooch keey tukul am chammateet. Obuurte biikaab Kiriisto tukul kaalyeet.

2 Peter

Chapter 1

¹Anii Simooni Betero nyoo ayechine Yeesu Kiriisto yiisyeet ankaayeku lebkeeyinteenyi. Asiirwook akweek choo kookeenyooru tukul kaayeenchinooyeet nyebi kwong'uut ankeechurte am taayetaab Yeyiin kubununee Yeesu Kiriisto. Inee kaararookiinteenyoo anku Yeyiinteenyoo. ²Kooberuurook Yeyiin miisin onyooru kaalyeet yootu tukul otase taay onkete inee ak Yeesu Mokoryoonteenyoo. ³Kikooneech Yeyiin am kaamukeyweeklyii kiy ake tukul nyee yeyeech keeminy kuu woloo maktooy inee. Yeyaktoos kuu nyooto yoo keetase taay kiinkete inee. Kiikukuureech sukuroobweech wooyinnyii ak karaamateenyii. ⁴Yoo kayey Yeyiin kuu nyooto, kukaakootiyich tukuuk chebo kwong'uut choo kikuurtooweech. Yooto, makeenyooru soboontaab Tamirmiryeenyii ankeechililee rokostaab koorooni nyoo yibu muchasta nyee miyat. ⁵Kunyi, osyeem wolee omuuktooy okas kule katas taay kaakaaseeng'woong'. Otasee kaakaaseet atebuutek chee karoomech ankootasee atebuutechoo kiirnateet. ⁶Otasee kiirnatoonoo riibeetaab keey ankootasee riibeetaab keey muytaayeet. Otasee muytaayeet kaabuerto nyee mache Yeyiin ⁷ankootasee kaabuuroo chamateetaab biich chee tuubcho. Yoo kooyey kuu nyooto, moobuure am chamateetaab Yeyiin. ⁸Yoo oboonte ng'aleechu kuyem, oyechine Yeyiin yiisyeet nyee karaam miisin ankookimkimihihtu am kiirnateetaab Mokoryoonteenyoo Yeesu Kiriisto. ⁹Nteenee yoo mooboonte, okoryootiin amoonekete kiye makwook Yeyiin ankyoowuutyee kule kiikiwiuntoowook ng'ookiswookikwook. ¹⁰Kunyoo, leyye, mbo ng'etaabiya, osyeem wolee omuuktooy oyeye kiyee iboru kule kiikukwuyaak Yeyiin oyeku cheechii. Yoo kooyey kuu nyooto, moobootosii, ¹¹anku makeetoroochaak owut kaab Mokoryoonteenyoo Yeesu Kiriisto nyoo kaararookiintee wolee maboominy akookoy. ¹²Maasootwook kwaak ng'aleechaata, ankoo kyonket sinee ankyookiilchi ng'alyoontetaab man nyoo kyoonyooru. ¹³Akase kule karaam aboorwook ng'aleechuutechu, yoo taasobe, ¹⁴kuuyu inkete kule amiite waamee kuu yoo kiiboorwoo Mokoryoonteenyoo Yeesu Kiriisto. ¹⁵Maasyeem wolee amuuktooy aboorwook ng'aleechu soosoote am besyoosyek tukul yoo kamaamiite kooreet. ¹⁶Yoo kikeemwoowook kule makooyee Mokoryoonteenyoo Yeesu Kiriisto am kaamukeyweekaab Yeyiin, meeber kikeemwoowunee tyoonkoochay chebo ng'oomnan, nteenee kikeekasee acheck wooyinnyii koonyekyoo. ¹⁷Kikeekas acheck kuutiit nyee kichoonee barak yoo kikeemiite ak inee lekemaanaa kitookunee Yeyiin. ¹⁸Kiitoroor Yeyiin inee ankookoochi wooyinto kumwooye kule, inyiling' lakwanyuu nyee achame akaang'erekkyine. ¹⁹Kunyoo, kiititiir ng'aleek choo kimwooye woorkoyikaab Yeyiin. Karaam miisin oyebchine yiit woorkoyichu bo Yeyiin kuuyu kerkeey lokooywekwaa taariit nyoo laye kweemooy akoy besyoonoo makoorir kooreet kutook toboyaanteet kooluuchook akweek. ²⁰Nto miisin, mache onkete kule kimawoorkoyene keey woorkoyikaab Yeyiin, ²¹nteenee kiboorchine Tamirmiryetaab Yeyiin kumwoowu ng'aleekaab Yeyiin

Chapter 2

¹Kitook keny woorkoyikaab lembech am wolee mii biikaab Yeyiin, nto am keelto nyee wuu nyooto makukwoonchook kaaneetikaab lembech. Makuwoow keey kukwoontooy kaaneeteyweek chee mabo man. Iburyete biich kaaneeteyweechoo ankutaye mbo icheek Mokoryoontet nyoo kiwalang'weech. Nteenee yoo kayit tabanta, kuburyetoos kaaneetichoo areet akeenke. ²Makurub biiko chee chaang' ng'ookiswookikaab kaaneetichoo ankuyey keeng'alaalee nyee miyaat keeltaab manta. ³Makoochuutuneenook kaaneetichu metewoy tyoonkoochoy chee itoonye buch kumache cheebkiisyong'. Kisimkuchob keey Yeyiin keny kooruusta bichoo ankiikuyeyta keey kaamukuusiintet. ⁴Manasaayee Yeyiin malayikaanik choo kiyeye ng'ookisto, nteenee kwiirchi kaabkwoombiich woloo tuuy ankuratootiin am nyorooroonik kukanye besyeet nyee mabokiitilchine ng'aleek. ⁵Manasaayee Yeyiin kooreet nyoo kibo keny, nteenee kitorchia taambiliyeet koowaang'ta kibrokosiisyek. Biiko baateey chee kisor Yeyiin ku Noowa akoo biikyii tisab. Inee nyoo kyoomu lokooylekaab manta. ⁶Kiimkuusee maata kiriinkoosyekaab Sotom ak Komoora sukuyek kaaneeteywoo am wolee mii biiko choo marube ng'aleekyii. ⁷Kisar yoto Yeyiin Loot nyoo kichurtaat ankiyiime ng'aleekaab biich chee ki sikoran ameeywelye kiruutek.

⁸Kiming'iisye chiichoo ak bichooto ankikase kiyee kiyeye bichooto kwaak. Kiyyiime ng'ookistaab bichoo kaasooteyweeklyii chee kichurtootin. ⁹Kunyoo, inket Yeyiin wolee saruntooy biiko choo iyenchine inee kung'eetyee nyaliluutek. Inkete mbo wolee riibtooy kibrokosiisyek choo ratootiin akoy besyeet nyoo kiitiilchinee biiko tukul ng'aleek. ¹⁰Nto chee makiing'woonchi miisin ku choo rube ng'aleekaab muchas ankutaye keebayta. Reerchine keey kaaneetichu bo lembech tamirmirook chee miyootech choo koromech nyee manyokoriitu kuchube. ¹¹Ntee machub mbo malayikaanik choo boonto kaamukey miisin kubiir kaaneetichoo tamirmiroochoo am taayetaab Mokoryoontet. ¹²Chube bichu mbo kiyee meenkete. Kerkeey icheek tyoong'in choo meenkete kiy. Kikeeyeye sikeename ankeebakache kityo. Makubootyo bichu kuu tyoong'iichoo. ¹³Makiing'woonchi bichoo keeyookyinee kiyee kiyeye icheek. Chame ng'aleekaab muchas kulebkeey koro. Soor bichu nyee intosuure biich am kaabsaakwa. ¹⁴Kiikoowoong'chi bichoo kaasooteyweekwaa ng'aleekaab martaayeet ameemuunye kuyeye ng'ookisto. Iberbeeroote choo kuskusech koosuuchi ng'al chee miyootech. Kiikubaw mbo icheek mooroong'nateet anku makiiruusta. ¹⁵Kiikubakaakta keelto nyee chuulaat ankurub keeltaab workyoontet Balaam araab Beyoor nyoo kicham kiikoochi beesaan sukuyey kiyee miyat. ¹⁶Nteenee kikerekta sikiryeyt solwoontinyii yoo king'aloole kuu chii. ¹⁷Buch kaaneetichu bo lembech kuu looswek choo kiikuteenkyo, nto boolik choo iwuuye yoomat ama roob. Kiikuchobchi Yeyiin bichooto kaabkwoombiich wolee kikerakay meenan. ¹⁸Yeyiisye ng'al chebo ng'wiynan koochuutunee biiko choo katakumweyee rokosto, kooyechi ng'aleekaab muchas kulumchi martaayeet. ¹⁹Kuurtoochine kaaneetichoo bichoo ratootiin kule makiityaach, nteenee ratootiin nkicheek am ng'al chebo rokos chee yeeyote, kuuyu kiy ake tukul nyoo ibele chiito kubawu kiyooto chiichoo. ²⁰Yoo kaakoonket chiito Mokoryoonteenyoo nyoo kaararookiinteenyoo Yeesu Kiriisto akaakumweyee ng'ookistaab koorooni nto yityo kumuutmuutyi keey ng'ookisoo, kwoorane. Yooto makumiyatyi chiichoo miisin kusir yoo kitakumii meenan. ²¹Kikaykay am wolee mii inee nto kimanaakoonket keeltaab manta kusir koonket nto yityo kumaasakay kutay ng'alyoonteetaab Yeyiin nyoo kikiikoochene inee. ²²Ibooru kiyee yeyaktoos am wolee mii chiichoo kule bo man ng'alyoontooni keemwooye kule, iyeechne ng'ook kaang'uung'taakyii, nto kooyey nkurweyit nyoo kakiwuun wakoomilmilee ruureetyet.

Chapter 3

¹Leyye, choroonuutekyuu, barweetaab ayeeng' nyiitenyi asirwook. Kwaasierwook baroonoochuutechu tukwaay akiimee kaasooteyweekwook kuchuulakiis. ²Amache osoote ng'aleek choo kimwooye workoyikaab Yeyiin keny akoo makuutyetaab Mokoryoonteet anku Kaarorookiintee nyoo kikoonook lebkeeylkwook.³Mache onkete karoomin kule am besyoosyek chebo letuut makutook biiko chee kiikubaw muchastaab boorwoonikwaa. Makoonchuruurook bichoo ⁴kumwooye kule kikiukurto oob Yeesu kule makooyeew? Ara mii ano inee naas? Nto ii, ntee takooyyoong'oot kiy ake tukul kuu yoto kikeeyeye kooreet kung'eetee besyoosyekaab mbo kuuko akoy raat?⁵Kikwetyi buch bichoo kumwooye kule kimayeye Yeyiin barak ak ng'weny kubununee ng'alyoonteenyii. Kitookunee kooreet beeko ankusatyi Yeyiin beeko komos sukutook kooreet ⁶ankoomukuusee beeko kooreet besyoonoo kibo taambiliilyeet. ⁷Riibe Yeyiin barak ak ng'weny kubuntee ng'alyoontooni akoy besyeet nyoo kiimukuusee maat yoo kiitilchine ankeemasta biiko choo mabo Yeyiin. ⁸Choroonuutekyuu, onket kule am wolee mii Yeyiin, kerkeey besyeet akeenke ak kenyiisyek kisyereet akeenke anku kerkeey kenyiisyek kisyereet akeenke ak besyeet akeenke. ⁹Meekooye keey Yeyiin am kiyee kiikukuurto kuu yoo isoote biiko alake. Nteenee muytoochook kuuyu mamache kule kubot chii. Makyine biiko tukul kuweeksee ng'ookiswookikwaa.

¹⁰Makumuung' besyeetaab Mokoryoonteet kuu chooriin. Makubot yoto woliin bo barak kooruumoote ankumukuus kookeelik ak araaweet ankubek kooreet kuboonto tukuukyi tukul.¹¹Ara yoo makiimukuus tukuuchu tukul ii, kumachaktoos obuурte ano am soboonwekwook? Machaktoos onemu keey otillitu ankootaboonchi keey Yeyiin. ¹²Okanyoonu besyoonoo bo Yeyiin ankoowuruure kuleekitiit. Makiimukuusee maat woliin bo barak ankucholyo kookeelik tukuuk alak tukul besyoonooto. ¹³Nteenee keekanye barakuut nyee leel ak kooreet nyee leel nyoo churtaat woloo kikuurtooy Yeyiin.¹⁴Kunyoo ii, choroonuutekyuu, kuu yoo okanyoonuu besyoonooto, machaktoos osyeeme wolee omuuktooy obuурte am soboonto nyee tilil si nto yoo obeetii taayetaab Yeyiin, mootinye ng'uusng'uusyo. ¹⁵Onket kule muytooyYeyiin sikiiraraach biiko. Kisirwook kuu nyooto nkinee ng'eetaabiya Bawulo nyoo keechame kuyeyiisyee kiirnateet nyoo kiikoochime Yeyiin. ¹⁶I-aroru inee ng'aleek chee wuu chuutechu am baroonookyii tukul. Miite ng'aleek alake baroonookyii chee manyumnyumech keekas. Itoome maanaiisyek ak choo takoowiywiyoos ng'aleekyii. Nyeeree bichu siruutekaab Yeyiin alak, ng'alyoo nyee makuyey icheek kubooty.¹⁷Choroonuutekyuu, kuu yoo kasimakaloonwook, oriib keey, simayeyaak ng'aleekaab biiko choo marube Yeyiin ochabaayte am kiyee oyyoong'unee. ¹⁸Otas taay otitiir keey am chamateet ak kiirnateetaab Yeesu Kiriisto Mokoryoonteenyoo nyoo Kaarorookiinteenyoo. Kutororii inee akookoy. Kuwuuyiit nyooto.

1 John

Chapter 1

¹Ng'alyoontooni kyoomwook acheek ku nyee kimii ku manaakeetoow kooreet. Kikeekasaanu ng'alyoontooni am yiitiikkyyoo, ankeekasee mbo koonyekyoo, ankirootoote,, anku kiikeetiinyee awunnyekyoo. Ng'alyoontooni ku ng'alyoontetaab soboonto. ²Kicho soboonto. Kiboontokeey soboono ak Baaba Yeyiin. Kookooyookweech Baaba Soboonooto. Kikeekas Soboonooto ankeeng'aloolee Sobooniitenyi bo kibchuulyo nyee kyoomwook.³Kyoomwook nkakweek kiyee kookeekas sukung'eet oyeku nkakweek akeenke ak acheek kuu yoo keeyeku acheek akeenke ak Baaba akoo Lekwenyii Yeesu Kiriisto. ⁴Keesirwook sukung'eet yoo koorub ng'aleechu, kuyitura ng'erekweeklyoo. ⁵Lokooywek chee kookeekas kukwaanee wolee mii Yeesu chu keemiite keemwoowook ku kule lebkeeyyet Yeyiin. Mamii meenan wolee mii Yeyiin. ⁶Yoo keeyeye keey kule keeyeku kiito akeenke ak Yeyiin ankutekeebesytottee meenan, ku keemiite kiiberbeeriise ameebere keemiite keerube ng'aleekaab manta. ⁷Nteenee, yoo keebesyetootee lebkeeyyeet, kuu yoo mii Yeyiin lebkeeyyeet, keeyekuu kiito akeenke, ankoowuuntooweech korotiikaab Yeesu ng'ooki ake tukul.⁸Yoo yibe keey chii kule mayeye ng'ooki ake tukul, kumiite nyoo kooberbeeere keey,, anku manaanam ng'alyoontetaab manta. ⁹Nto yoo kachamchiin chii kule kiikuyey ng'ooki, kunyoochime Yeyiin kaat ankootiliile am tukuuk tukul choo machurtootii, kuuyu churtaat Yeyiin ankiikooskeekey. ¹⁰Nto yoo yibe keey chii kule manaayey ng'ooki ake tukul, kumiite kumwooye kule ng'wiin Yeyiin, amanaanam ng'alyoonteenyii.

Chapter 2

³¹Biikyuu choo achame, asirwook ng'aleechu simoochoolwookene. Nto yoo kachoolwooken chii ake tukul kung'alooltooweech chiito ake nyee ming'ookeey Baaba. Nyooto ku Yeesu Kiriisto nyoo churtaat. ²Kiikooyto Yeesu soboonyili sukoomuuch Yeyiin kunyooweech kaat am choolwookatenyoo. Meebere choolwookateenyooacheek baateey, nteenee choolwookateetaab chii ake tukul.

⁴Chii nyoo mwoye kulee aboye yeeyin, amebere yeye kiyye makyiine yeeyin ku ngwiin chii choo, amobonto maanta, ⁵NNtenee chii nyoo karub ngolyooteetaab yeeyin kukakuchaam yeeyin kuchurtaa .keliteenyi nyee iborweech kulee keyeeku akeenke ak yeeyin. ⁶Chii ake tukul nyoo mwoye kule kii kunomnyoo ak yeeyin kumachaktooss koobuure kuu woloo kiibuurtooy Yeesu. ⁷Chooronuteekyu ch00acheeme, maakutiyeet nyee amiite asurwook kunyee mebere nyeleel, nteenee bo mokutyooni keenyi nyoo lkyookasanu. ⁸Nteenee mii ki kii nyeleel am mokuyoni nyee amiitee waasurwook. Imuche kerib mokuutyoni ku woolo kikeyotoy Yeesu , kuuyu mii kubotee menenet ankku mii kutoku lepkweeyeet nyee bo maan. ⁹Chii ake tuukul minyee lepkweeyeet ankuwoocheee ngetabkwamet ,tekuumunyee nyoo meenen. ¹⁰Nto nyoo cheeme ng, etabkamet kumunyee nyoo lepkeet, ama yeeye biikoo kutabanekeey Yeyiin. ¹¹Nteenee, ynyoo woeche ng, atabkamet kumii nyoo woole mii meneen ankuwesototee kkuptuyma. Menketeet woolee weetii kuyuu kikaar meneeteet koonyaak kyiii. ¹²Asurwook akweek leekook, kuyu kiunyoywook Yeeyin kaat am ng'ookuswookiik kwook kubununnee kaayneetaab Yeesu. ¹³Asurwook akweek boyiik, kuyu onkeete Yeesu nyoo kiimii kumunakeetoow koreet. Kasuurwook akweek, ayberiik, kuyu, kyoosheente kiprookooshonteet. Kasurwook akweek leekook kuyu onkeet Baaba. ¹⁴Kasurwook akweek, boyeek, kuyu onketee Yeesu nyoo kimii kumunakeetow koreet. Kasurwook akweek ayberiik kuyu okiichoottin anchoonaam ng'oolwoonteteaab Yeeyin kuchoo awuut ankwoosheetee kiproshoonteet. ¹⁵Biikwuu moochaam tukuuk chee bo koorooni. Chii akee tuukul nyo yeeyinekeey tukuchuu meecheme nyoo Baaba. ¹⁶Kuyu mokwoonee tukuchaa woolee mii Baaba, nteenee kwoonee choo koroonii. Tukuuchoo ku chuu ; muchaastaab boorto chorokyinee koonyakuuk akoo kaaseetaab keey am tukuuk chee bontoo chii. ¹⁷Booku koorooni ak choroockyiinoyeet , nteenee, chii nyoo yeeyye kuu wooloo moktooy kuboonto nyoo soboontaab kibchulwoo akookoy. ¹⁸Biikyuu, asistaa nyii nyeeboo leetut. Aberee kyookaas kulee mokuchoo kwiilinteetaab kristo nyee woo. Mboraat kunyitenyii mii biiko woolee woo kuukwiilee kristo. Ng'oolwoontoniteenyii nyee kinkeetee kulee asiista nyiitenyii nyee bo lootuut. ¹⁹Kibeetyenyekeey biichoo woolee kimiite ankubeechikeey, nteenee, meebere akoo kicheechoo maan biichoo.. Kuyu, nteekichechoo, ntee meebere kibuukootech ankubochiikeey. Ntenee, kiboorweech wooleee kiibeetaa kulee meeberie kiimii mboo akeenke am buchoo nyee kinyeenyoo. ²⁰Ntaakweek, kiikikung'aabenaak Yeesu taamiirmiiryey, ankoboonte akweek tukuul kiirneteet. ²¹Meebere amiite asurwook kuyu mongeetee maanta, nteenee, asurwook kuyu onkeet ntoo subaak kuyu moomii ng'oolyoo ng;wiinaan nyee choonee mantaa. ²²Ng'wiinteteet kuu ng'oo? ng'wiinteteet ku nyoo mwoye kuleema karoorookiinteteet Yeesu nyoo kiyooku Yeeyin. Kiikwiilinteetaab kristo nyee tayee Baaba akoo Laakwaanyi. ²³Chiitoo nyoo taayee Leekweet kukakutaay kiinee kwaan. Nyoo chomtooy leekweet kukakuchaamtaa kiinee kwaan.. ²⁴Maacheektoos okaas kulee kiyee kyookasaanu kucheekie keeny.mobuurnee komoostaab leekweet ak Baaba. ²⁵Sooboontaab kibchulyo nyiitenyii nyoo kikekurtooweech. ²⁶Amiitee asurwook ng'eeleechu kuruubtaakeey biikoo choo syeeme kulee kukaantaak. ²⁷Ntenee kyoonyooruu akweek Teemiirmiiryoonoo king'oobeenook Yeesu. Yoo miite teemiirmiiryeyet ari ing;woong. meebere otiiyekeey kaaneteeyywaakaab biich buch. Ntenee nyee ineetook kuruubtakeey ak kii akee tukuul nyee yamaaktos ku Temirmiiryeyet. Inee nyoo maanta ame ng'wiynane. Kunyoo orub kaneeteeyweekaab temirmiiryeyet ankookilchii Yeesu. ²⁸Kunyoo ii biikyuu, okilchii Yeesu sikung'eet keetinyee maan nyee makemuytosii am taayeenyii am boosyeet nyoo choonee. ²⁹Kuu yoo onketee kulee churtaat Yeesu, onket naas kule chii ake tukuul nyoo yeye kiyee churtaat kubo nyoo Yeeyin.

Chapter 3

¹Chameech soo Yeyiin nyee tyaa kut keekuuureech kule lokokaab Yeyiin, anku man keeykuu cheechii kiito nyee yeye biiko alak simokeetaach ku kule meenkete icheek Yeesu. ²Choroonuutekyuu choo achame kaakeeyeku lokokaab Yeyiin ankoo toombo kutook mbo kule makeeyeku nee letuunoo. Ntenee, kinktukulete kule yoo keeywey Yeesu makeekerkeyiit ak inee kuuyu makeekas inee kuu woloo wuunto. ³Chii ake nyoo boontee ng'alyoontoonoo mmoyeet, koobuuree am soboonto tiliil kuu woloo wuunto Yeesu⁴Chii ake tukul nyoo yeye ng'ooki, ku kaakwiiri nyoo kiiruutekaab Yeyiin. Kubooyiit man, ng'ooki kiiri kiruutekaab Yeyiin. ⁵Neenee onket kule kicho Yeesu sichokoobuuktooweech ng'ookiswookikyoo, ankonkete akweek kule matinye Yeesu ng'ooki ake tukul. ⁶Chii ake tukul nyoo kiilchine Yeesu kumayeye ng'ooki. Ntoo nyoo yeye ng'ooki meenkete chiichoo wolee wuu Yeesu.⁷Biikyuu, mookany kieberbeeraak. Chii nyoo yeye kiyo mache Yeyiin ku churtaat nyoo kuu yoo churtaat Yeesu ⁸Ntoo nyoo yeye ng'ooki kubo nyoo kibrokosyoontoonoo nyoo kiikuyeyaan ng'ooki kuchake keny. Ntenee kichooni Lekwetaab Yeyiin chakubooryee yiisyetaab kibrokosyoonteet. ⁹Momii chii nyebo Yeyiin nyee tase taay kuyeye ng'ooki yoo miite Yeyiin arinyii. Meemuuche kyey chii nyebo Yeyiin ng'ooki. ¹⁰Mii ng'alyoo yu nyee kiinkete kule lokokaab Yeyiin chu nto choo kubo kibrokosyoonteet. Chii ake tukul nyoo mayeye kiyo churtaat ku mabo nyoo Yeyiin. Wuu nyooto mbo am wolee mii chii nyoo machame ng'eetaabkaamet. ¹¹Ng'oolyo nyee kyookasanu ku kule, macheekeechomtosii. ¹²Mokany kekarkeetyu ako Kaany nyoo kiboo kibrokosyoonteet, nyoo kibare ng'eetaab kameet. Kiberchiinee ng'aataab kameet? kiaar kuyuu kimiyoteech ataabuteekchii ntenee kikaromeech choboo nyin.. ¹³Kunyii mboo ng'eetaabiya moolate yoo kawoochook biiko am korooni. ¹⁴Kiinkeete kokekwaaanee woolee mii meet ankokeeyitu woolee mii soboonto. Kiiito nyee kinetee ku kule kecheeme mboo ng'eetaabiya. Chii ake tukuul nyoo wooche ng'eetaabkaam, takumii nyoo wolee mii meet. ¹⁵Chii ake tukuul nyoo woochee ng'eetaabkameet, kumiyaat nyoo kuu rumiin. Abere onketee kubooyt maan kule matinye rumintoo soboontaab kibchulyoo. ¹⁶Kiyee kooneech kiinket wolee wuu chamateet ku kule kiikooyto Yeesu sobonnyi kuboacheek. Kunyoo, makweech nkacheek kiikooytooy soboonwekyoo kub mbo ng'eetaabiya. ¹⁷Yoo boonto chii tukukyi ankukese kunyalile ng'eetaabkaamet amariiree nyin ii, koomuuche kule nee kuboonto chiichoo chamateetaab Yeyiin. ¹⁸Biikyuu, mookany kiiyiile kutuuweek buch kule keechoomtoosii, nteenee machaktoss kiiboorunee chamataanaa yeuyutekaab manta. ¹⁹Yoo keeyeye kuu nyooto, kiinketee yooto kule keeooye manta. ²⁰Yoo kaamwooy kaasooteywekyoo kul mekeeboonte manta, okany keeyisu kaasooteyweeklyoo am taayeetaab Yeyiin. Machaktoos keemwooye kule wooYeyiin kusiir kaasooteyweeklyoo ankoonkete inee kiy ake tukul nyee yeye. ²¹Choroonuutekyuu, yoo kamwooy kaasooteyweeklyoo kule keeoonte man, makiyyong'iisyee taayetaab Yeyiin nyee momii tuyateet., ²²ankeenyoororu kiy ake tukyl nyoo kakeesoome, kuuyu keeruube makuutekyii ankeeyeye kiyee ing'ereeche inee. ²³Makuutyetaab Yeyiin ku kule machaktoos kiiyeenchine kule Lekwetaab Yeyiin Yeesu anku kaarorookiintet. Machaktoos keechoomtoosii kuu yoo kimwooytooweech. ²⁴Biiko choo rube makuutekaab Yeyiin, chee kiikunoomnyo ak Yeyiin. Kiyee kiinketee kule keeyekuu akeenke ak Yeyiin ku Tamirmiryet nyoo kiikuroobweech.

Chapter 4

¹Choroonuutekyuu, kookukwaanaat biich chee chaang' chee yibe keey kule workooyikaab Yeyiin. Kunyoo, mooyeenchi ng'al alak tukul choo kookas. Nteenee orootoote nyee karaam soonket yoo kwoonee man wolee mii Yeyiin. ²Okany aboorwook wolee soonketitooy biiko chee boonto Tamirmiryetaab Yeyin. Chii ake tukul nyoo chamtooy kule kicho Yeesu Kiriisto kooreet ku chii, kuboonto chiichoo Tamirmiryetaab Yeyiin. ³Nto chii ake tukul nyoo machamtooy kule wuu nyotoo, mabo nyoo Yeyiin nteenee kwiiliinteetaab Kiriisto. Abere kyookas kule makUCHO kwiiliinteetaab Kiriisto, nteenee kookukwaanaat mbo alake keny. ⁴Biikyuu, obooye akweek Yeyiin. Kyobiirte choo kwiile kaarorookiintee kuuyu Tamirmiryetaab Yeyiin nyoo oboonte akweek kuwoo kusiir nyoo bawu tamirmirook cho miyootech choo iware biiko am koorooni. ⁵Bo kwilootichoo koorooni. Kunyoo, ng'alooloote ng'al chee rubtooykeey ak soboontaab koorooni ankukasyine biikaab koorooni. ⁶Nteenee keebooyeacheek Yeyiin, nto nyoo chame Yeyiin kukasweech Ntoo nyyoo mabo Yeyiin kumakasweech. Keelooto nyee kiinketee Tamirmiryet nyebo manta ak nyebo ng'iynan.. ⁷Choroonuutekyuu, okany keechoomtoosii kuuyu toowunee chamateet wolee mii Yeyiin. Chii ake tukul nyoo chame ake, kubo nyoo Yeyiin ankoonkete Yeyiin. ⁸Nto nyoo machame ake, kumeenkete wolee wuu Yeyiin kuuyu Yeyiin ku chamateet. ⁹Kiboorweech yeyiin chamaatenkyii yu kikoonu lakwanyii akenkee batee y kucho kooreet sikung'eet kesoobchee kubununee lakwanaa. ¹⁰Chamataana kumebereacheek chee kikechaam yeyiin, ntenee kichameech yeyiin kuut kukoonee lakwanyii kuyeek koroosyoo si kenyowech kaat am cholwookeenenyoo. ¹¹Choroonuutekyuu, ku yuu chameech yeyiin misiin kunyotoo, kumekwech ngacheek kechoomtosi. ¹²Ankoo momii chii nyee kikukas yeyiin, ntenee yokechomtosi kebonteekeey yeyiin ankumekechurte chematenyi am wooloo kemiite. ¹³Kiyee kinketee kule keeyku akenkee ak yeyiin ku tamirmiryeniyii nyoo kiukukooneech. ¹⁴Kokeekaseeacheek koonyekyoo ankibooru kubooyt man kule kokukoon Baaba lakwanyii chokurarach koreet. ¹⁵Yoo kachaamta kule lakwataab yeyiin yeesu, ku akenkee chiichoo ak yeyiin. ¹⁶Kinketeacheek chamateet nyee boonteeeneech yeyiin ankikosekeey chamatana. Chamatet yeyiin. chii tukul nyo kilchinii chamatet kikiynomnyo nyoo ak yeyiin. ¹⁷Yoo keebonte chamateet ankiburee ku wooloo kiburtooy yeesu am koreet keemite kiboru chamateet nyoo churtaat. yoto nanyun moketinye muyat am bosyeet nyoo kitilchine bikoo ng.aal. ¹⁸Momuiyee chii nyoo tinyee chamateetaab yeyiin ku yuu kwete chamateet nyee churtaat muyateet. Yoo komuye chii kimwoontyii, kuboru yotoo kule mnaakich chamatetaab yeyiin nyee boonto. ¹⁹Kechoomtosi ku yuu kisum kuchameech yeyiin. ²⁰Yoo komwooy chii kule chamaa yeyiin amacheme ng'aatabkamet, ku mwiin chichoo. Yo macheme chii ng'aataabkamet nyoo kasee ii makucham kulenee yeyiin nyoo manakas? ²¹Mokutyeet nyee kikoneech yeyiin ku nyii: machooktos chii chamee yeyiin kucheme kinee ng'eetaabkamet.

Chapter 5

¹Chii ake tukul nyoo chamtooy kule kaararookiintet Yeesu, kubo chiichoo Yeyiin. Nto nyoo chame kwaaniitaab leekweet , kuchame mbo nkinee leekweet. ²Kiinkete kule keechame lokokaab Yeyiin yoo keechame Yeyiin ankeerube makuutekyii. ³Kiyee ibooru kule keechame Yeyiin ku keeriib makuutekyii, amanyikisyeoch makuutechoo. ⁴Chii ake tukul nyoo bo Yeyiin, kubiirtooy miyootyeeet nyee mii koorooni. Yoo kakiikaaseekeey Yeyiin, makiibel kooreet. ⁵Ng'oo nyee isyentooy kooreet ee?. Nyee isyentooy ku nyoo chamtooy kule Lakwataab Yeyiin Yeesu. ⁶Yu kichooni Yeesu Kiriisto kooreet, kibununee beeko ak korootiik. Meebere kibununee beeko baateey, nteenee kibununee beeko akoo korootiik. Mwooye Tamirmiryet ng'aleechu, ankumwooye Tamirmiryet, ankumwooye Tamirmiryet kiyee bo man. ⁷Miite tukuuk somoku chee iboorweech kul kicho Yeesu kuu chii. ⁸Tukuuchooto ku Tamirmiryetaab Yeyiin, beeko ak korootiik. Ibooru tukuuchu somoku kiito akeenke. ⁹Yoo keechame kiyee mwooweech biiko ii, makeecham soo nyee tyaa kiyee mwooye Yeyiin kurubtakeey akoo Lakwanyii. ¹⁰Chii ake tukul nyoo chamtooy Lakwataab Yeyiin koonkete man kule inee nyooto. Nto chii nyoo machamtooy ng'aleechu, kumwooye nyoo kule ng'wiin Yeyiin kuuyu manaachamta kiyee mwooye Yeyiin kurubtakeey akoo Lakwanyii. ¹¹Kimwooweech Yeyiin kule kiikeekooneech soboontaab kibchuulyo. Keenyooruu soboonooto kubununee Lakwanyii. ¹²Chii nyoo boonto Lakwataab Yeyiin kutinye soboontaab kibchuulyo. Nto nyoo maboonto kumatinye soboonooto. ¹³Asirwook akweek choo okoseekeey Lakwataab Yeyiin ng'aleechu soonket kule oboonte soboontaab kibchuulyo. ¹⁴Keeboonte mooyeet kule yoo keeteebe kiyee chamweech Yeyiin, makukasweech. ¹⁵Yoo ako kiinkete kule kasweech am kiy ake tukul nyoo kakeesaay, kiinkete am yooto kule keenyooru kiyee keeteebee. ¹⁶Yoo ikase kuyeye ng'eetaabkoomet ng'ookiisto nyee meesakyine kooboot soboontaab kibchuulyo, isaay Yeyiin kunyoochi kaat. Yooto makookoochi Yeyiin chichoo soboontaab kibchuulyo. Mii ng'ookisto nyee yeeye chii kooboot soboontaab kibchuulyo. Meebere kaamwoowu kule isaay isaay am ng'ookisto nyee wuu nyoo. ¹⁷Miyaat ng'ooki ake tukul. Nteenee, mii alake chee mayeye chii kooboot soboontaab kibchuulyo. ¹⁸Kiinkete kule meebera tase taay chii nyebo Yeyiin kuyeye ng'ooki. Riibe Lakwataab Yeyiin chichoo nyee makoy kutiiny kibrokosyoonteeet. ¹⁹Kiinkete kule keebooyeacheek Yeyiin. Nteenee bawu kibrokosyoonteeet kooreet. ²⁰Kiinkete mbo subak kule kiikucho Lakwataab Yeyiin ankiikuyeyeech kiinket Yeyiin nyoo manta. Keeyekuu chechii kuuyu keebooye Lakwanyii. Kubooyiit man inee ku Yeyiin anku soboontaab kibchuulyo. ²¹Biikyuu, kaamwoowook, osaanee keey kiy ake tukul nyee imuuche kootabaaneenaak wolee mii Yeyiin.

2 John

Chapter 1

¹Boyoo ak chebyoswa, nyee kikwayaat am olee mii lokoyii, nyekicham manta akiyeye manta. ²Kuugu am manta, kiyeye achek am akokai. ³Kisaachnta, ak ririik nto kukanjatab yeeyiin baaba, akoo lekweet Yeesu Kiriisto, nyekicham inee kwiye manta. ⁴Kayangarech soo nyeelga akaase, lekokab kubesheete manta, aukitoche kiruutek chebo baaba. ⁵Kiyaacheng chebyocha angasinawi kiruutek choo ketowunee, chematetab alak. ⁶Acheme aweechetee kirwulek nto kikiruulekchee yiitoyoo am choo kiketoweenee kebesweeetee a ariingu, ⁷Chang kabberberik, am koronii, am chokiikeenyeng kubo Kiriisto akooboryii kumii kaaberberek uyee machamat Kiriisto. ⁸Kekaarekyeeacheek nkiit angokumii tuukan chemekibot ntenee kikesiir angimaketaach tuunto tuu. ⁹Chii aketukul nyee makuweech kamamuut nyeebe Kiriisto nto kuyeyin kumeberemakintos kuweech chebo Kiriisto, akoo baaba, nto kulekweet. ¹⁰Yookewngel ang'awukuolee meebekut, wooborchi kalilyauyutaana woofach kiseek moyoto amebere makalba kurakwaar olee mii yeyiin. ¹¹Syimobe raakwar sleemii yeeyiin kaakas ngaalakab chekwoiyatik. ¹²Atinye ngaal cheechang chee kameache ntasirwo ntenee masrwook binto am [kartasinto kuwiime]. ¹³Isubooyiing' leekook chee kweyootiin chebo cheebkoomet

3 John

Chapter 1

¹Anii bonteet asirchiinee chameel koyasnyee achame kaboomaan. ²Chaamaaneet asoomuung ngaal cheeboo baraak ambuu muungeeteet ngee karaam ambuuyee mantaa. ³Ayeekuu ngaaraat miisiin nyee kichoo amkuyoonyee mantaa kalee ameesetani ngeboo. ⁴Kumaatinyyee ng'aaraa kweek cheechang nteemee akaas kulee bocheete lookookyyu mantaa. ⁵Chaamaameenyuu ishoonoo leichiini niikuuk yee chii kicheek mboo biich cheekwoonee buunoon. ⁶Kubokumwoochii buchooto kweetooche kurubtakeey akoo chamateengluung makangereech reyuu yoo keeyeu kuu nyooto. ⁷Buko choo kiyechteechine Yeesu manaachan kunychteechi icheek choo manaaacha Yeesu. ⁸Kungoo mukyuloosacheek keetooche bilko chee wuu chookt sukung'eet keeyeyilye tukeel kubo nglalyoontelab manta. ⁹Kyaasirchi kanisaamaa barweet nteemee makasweet tyooturefe nyoo kuyeye keey kuyek kaantoyunteengwaa kunyoo makeewache. ¹⁰Kuuyoo yoo kaacho, machaayoon kiyee mii kuyeye kutoomcheech nglalyoo nyee niyaat meeberie nyoo baategy machame kut kutorooch mbo subok choo nache kutoorookis. ¹¹Choorweenyueu nyoo achame, iyey ng'aleek choo koroomech kuyu choo yeyee cheekaromech kubo reyiin nto choo yeye chee miyootechku mabo reyiin. ¹²Boolito temeteeryo kaayna nyee karaam am wolee mii bilko tukul. Rube inee ng'lyoontetaab manta aukeengaloolee nkacheek nyee karaam. ¹³Chaang' nglala chee kaabane ntaasimuug'am kalaamuut nleelie anite akeenyiing am leekilo subokyaamm lokooy. ¹⁴Meenee machaakasungam leekita subonyaam tukwaag lokeay. ¹⁵Lbuuke taloosyeet, lsubeyiing choroonuutek am woli kungi isubaay nkiingiing choorwa ake tukul am woloo.

Jude

¹Anii nyoo Yuuta, ng'eetaabkaamatiitaab Yaakobo ankaayechine Yeesu yiisyeet, asirwook akweek choo kikeekwayaak anku chamook baaba Yeyiin ankiikiitabaanaak obooyiitu Yeesu Kiriisto. ²Kuwoooyit chamateet, kaalyeet ak kiisayta am wolee omiite. ³Abaybay asirwook tukul chamanikaab Kriisto kule okilikey am kaayeneeng'wong'. ⁴Otayeeky bichoo obuche kiisaytaab Yeesu kuyek kiy buch ankutaye Yeyiin ak mokoryoonteeet Yeesu Kiriisto. ⁵Asootwook yoo kisaru Yeyiin biikyii kung'eetyee Miisir kubo bichoo kichokutay kooyeenchi inee kule kiiruusta Yeyiin. ⁶Akoo malayikaanik choo kikeeytee kaamukeyweek choo kikiitoortoochne kule ratootiin am nyorooroonikaab kibchuulyo kukanye kaaruustaayeet. ⁷Akoo subak Sotooma, Komoora ak kiriinkoosyechaa kileekitee, kisikorakiis ankurub atebuutekaab martaayeeet ak muchastaab boorto, kiyek kaabooruneet kule kikiiruusta am maata. ⁸Mii kaaneetikaab lembesch chee nyeeree boorwoonikwaa am choolwookateet nyoo yeye anku moontooy kaamukeyweekaab Yeyiin ankuchube tamirmirook chee miyootech choo koroomech. ⁹Ankoo mbo yoo kikwiilekeey Mikayil nyoo malayikeet nyee woo ak kibrokosyoonteeet kubo muustaab Muusa. Kiiywey kuchub kibrokosyoontoonoo. Nteenee kimwoochi kule, "kooburyoong'tiing Yeyiin" ¹⁰Nteenee chube bichoo mbo ng'aleek chee meenkete, boku bichoo kuu tyoong'in chee meenkete kiy kuuyu toortooy moonik. ¹¹Leyye, makunyoor bichoo ng'woonin nyee tyaa kuuyu kaakurub keeltaab Kaayin, kuyisyi keey komostaab Balaam nyoo kibonto muchastaab beesaanik, kaakukawooten bichoo kuu yoo kikawootene Koora, makiimukuus nkicheek kuu yoo kikiimukuse Koora. ¹²Biich choo chee manyoolu am kaabsaakwa kuuyu yoo kyoomiisye, kuleklekene icheek amit kerkeey boolik chee matinye roob chee iwiywiiye yoomat, kerkeey keet chee kaakung'ay yoomat kutook tiikiitek amatinye lokoyeek nkaab ku besyoosyek chooto chee yeyee. ¹³Kerkeey bey chebo araaray chee tinte beekyii bukaanteet nyee tuuroot kubo tukuuk chee yeye. Kerkeey bichoo kookelik chee ibetyenyekeey wolee mii chuut. Takyinekeey choo wolee mii maataab kibchuulyo. ¹⁴King'oor Enok tilyaanaa kibo tisab am areetaab Atam kule choonii Yeyiin ak kisyeerook taman chamanikyii. ¹⁵Makookuum biiko tukul ankooboorchi choo machurtootin atebuutekwaa choo miyootech ak ng'alaaleet ake tukul nyoo kimoolootee Yeyiin. ¹⁶Chooto ku choo ing'unyng'uunytoos, rube muchasng'waa anku ng'alole ng'al chebo akeesyaanti. ¹⁷Nteenee, akweek chamanik, osoote ng'al choo kibo lebkeeyikaab Yeesu Kiriisto. ¹⁸Cho kimwoowook kule am besyoosyekaab tabanta makutook biiko choo kiikubaw muchasta ankoonchuruure biich. ¹⁹Chooto ku choo itaboone keey amatinye tamirmiryet. ²⁰Nteenee chamanik, oteecheekeey kaayeneet ankoosooye tamirmiryet. ²¹Oluumeekeey chamateetaab Yeyiin akoo kiisaytaab Yeesu Kiriisto akoy soboontaab kibchuulyo. ²²Oriiree biiko choo batyine tonkoy am kaakaaseeng'aa. ²³Osoru biiko choo kaakuriik koosuchi ma. Oriiree biiko choolwookanoote ankooweche atebuutekwaa choo miyootech nteenee oriibe keey simolumchi lukeeng'waa. ²⁴Kutororiit nyoo riibook simoobutyeb kubo chamateet nyee boonteenook. ²⁵Kutororiit Yeyiin nyoo kiiraraacheech, kuketyikeey inee wooyiinto kuuyu inee nyeebo nkuruuk, kaamukeyweek ak bawunateet raat akookoy. Kuwuuyiit nyooto.